

Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.238







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.238






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.238




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CfMAGL 2.3.238




2.3.238
























antebrachio dextrae Spracellae  
officiis necesse bonis


882.3.2

2. 3. 238

2. 3. 238.

2 P. 3







719

XXXVII

PINGO.


1541





2.3. 28

PHILIBERTI  
PINGONII  
SABAVDI.  
CVSIACEN. BARONIS.




AVGVSTÆ TAVRINORVM,  
Apud hæredes Nicolai Beuilaquæ. 1581.  
*Cum Privilegio decennali.*

42



PHILIBERTI  
PINGONI  
SABARDI  
CASSACEN. BARONIS.



AVGVSTAE TAVRINORVM.  
Apud hactenus Nicolai Beniladon. 181.  
Cura Præfatio accennat.



ILLVSTRIBVS.  
ET REVERENDISS.  
FRANCISCO, ET PETRO  
LAMBERTIS, FRATRIBVS,  
NICIEN. ET MAURIANEN. EPISCOPIS.  
PHILIB.  
PINGONIVS.  
S. D.



VM ab ineunte atate obseruare  
vos cœperim, Amplissimi viri,  
admirariq; magis ac magis nun-  
quam desierim virtutem qua in  
uobis est, virtutiq; obsequentem  
fortunam, cuius ipsi uobis fabri  
fuistis, uolui tandem animi mei  
testimonium aliquot exhibere, Ut si quam de me opinio-  
nem concepistis, nunc exploratò qualem me uobis præ-  
stare cupiam, omnes uobiscum simul intelligant. Nuper  
Serenissimus Dux noster EMANVEL PHILIBERTVS cum  
Cardinalem Boromæum, uirum admirandæ sanctimo-  
niæ Taurini excepisset, & SINDONEM Sacrosanctam spe-  
ctandam proposuisset, imperauit, siquid ea de re comper-  
tum haberem ex tabularum sanctuario, & ueteribus  
monumentis, id de tam precioso thesauro, in medium  
proferrem. Perquisiui diligenter omnia, & in unum  
quasi uolumen conieci, argumento ex memorabili illo,  
ac pio Boromæi uoto ad inuiscendam SINDONEM du-



eto. Sed cui SINDONIS hunc meum libellum donem?  
dum cogito; non ipsi Duxi Maximo donare consilium  
fuit, qui prothotypo ipso beatissimus fruitur: Non item  
Cardinali grauiſſimo, qui ſemetipſum abijciens, de ſe  
dicta ſolet reſpuere. Vos occurriftis p̄ fratres, eo nati  
patre Philiberto Lamberto Patricio Camberienſi, cu-  
ius forti pietate, me puero preſente, olim è medijs flam-  
mis inuiolata SINDON mirifice erepta eſt, ut hic ſuo  
loco expreſſimus, et in hiftorijs fuſius proſequemur. Quod  
igitur pater, auſpice Deo in ipſa re potuit, uos digni  
patre filij, in eius repræſentatione per orbem terrarum  
propalanda, clariſſimis nominibus ueſtris, ueluti gemi-  
narum alarum remigio præſtabitis, nec me humi repe-  
re, aut ab æmulis calcari, ueſtra autoritate & benigni-  
tate permittetis. Valete. Ex Auguſta Taurinorum,  
Calend. Ianuarij. M D LXXIX.

## HERCVLIS PANCIROLII RHEGIENSIS.

**C**orporis amplexu CHRISTI digniſſima SINDON,  
Qua nihil in toto clariuſ orbe nitet.  
Linum Arabum ſuperas, medijs quod in ignibus ardeſ,  
Non perit, at cultu ſplendidiore redit.  
Tu flammis correpta manes illaſa, refersq̃  
Effigiem, qua nil gratius eſſe poteſt.



# TYPOGRAPHVS


## AD LECTOREM.



RGVMENTVM *vetus, & venerandum, opus nouum, & reconditum tibi profero. Vti Pingonius noster Baro, antiqua quæq; scrutari solet, renouareque studet. Is nihil nisi a rubiginosis numismatibus, aut marmorum fragmentis, aut abstrusis, situq; plenis chartulis, obfirmatis tamen, atq; ex fide publica adfert in medium. Testes antiquitatum libri; immense historiae. Leges XII. tabularum suscitatae, & alia innumera, quæ dies noctes congerit: Quæ vidimus, optamus, nec exorare possumus adhuc, ut nobis adenda committat. Istud interea magna contentione, & Serenissimi Ducis Imperio, extorsimus. Additi sunt eius argumenti hymni aliquot, siue Ode, & epigrammata doctissimorum virorum. Adiunximus item Bullam insignem illam Iulij Secundi Pont. Max. quam ex authentico desumere licuit. Inserta est quoq; celebris Boromæi illius Cardinalis peregrinatio, a Francisco Adorno societatis IESV, singularis pietatis viro conscripta, uno fere tempore, quo è re nata describebat Baro, & licet diuersis in locis, uno sensu, una consonantia: Adeo ut nihil congruentius, nihil admirabilius siue conspici: siue concipi possit. Quod laudatissimum, laudare meum non sit: meum potius sit, rogare te, Humanissime Lector, errata, quæ occurrent, humanæ imbecillitati tribuas, quæ nihil in rebus nostris perfectum patitur. Nec in nouo opere, vlla diligentia, cuncta sic ad ungem, uti manu scripta sunt, typis reddi queunt, effluunt literule, folijs Sibyllinis non absimiles, et plerunq; eorum opera uti cogimur, qui literas non callent. Imo uerò autores ipsi quantumuis oculati, sæpius in suis legendis cacutire fatentur. Vnde accidit in secundis, et tertijs editionibus, fortunatiorem nostram euadere diligentia. Vbiq; tamen synceritatem integritatemq; profitemur. Vale quando nostra boni consolueris.*




TYPOGRAPHVS  
ADLECTORVM



*Vidit Frater Dionisius  
Cislagus, Theologus,  
Ord. Prad.  
Inquisitor generalis  
Taurinen.*








PACIFICVS, VICTOR, LOCUTVS  
FOVET, ORNAT, ADVOCAT  
SCIENTIA, DARE, ORNAT  
SINDONE, TONCO, CAVET





PACIFICVS, VICTOR, LOCVPLES;  
FOVET, ORNAT, ADAVGET:  
SCEPTRA, DVCES, ORBEM;  
SINDONE, TORQVE, CRVCE.























PHILIBERTI  
PINGONII  
SABAUDI.

*SINDON EVANGELICA.*



LABORATVM est graui pestilentia annis superioribus, per maiorem Italiae partem: Mediolano maximè malè cessit: peiusq; timèdum fuerat, nisi tot, tantis populis, tantè, tamq; amplæ ciuitati fauissent Superi, & à Superis demissus CAROLVS BOROMEVS tituli sanctæ Praxedis Cardinalis, & regionis Archiepiscopus vigilantissimus opem sedulam tulisset. Is opibus, quibus abundat, egentes leuare, præsentia sua, morbo implicitos confirmare, oratione, qua pollet, & re ipsa, languentes passim erigere, Diuino etiam cibo reficere, nihil contagionis, aut periculi deuitare, nihil humile, aut minimum detrectare: quantum animo conniti, officio, & labore contendere posset, id omne ex qua omnium & vna salutis ratione exponere. Cumq; vetus fama inoleuisset, Camberij Sabaudorum Emporio, Sacrosanctam Sindonem religiosissime asseruari, ad quam nulli frustra aduersis temporibus confugissent: ille quoq; , vt vir eximie religiosus, ac pius, ad ea vota confugit, & eò, pedes accedere, supplexq; ibi numen implorare, & venerari proposuit. Quam rem, vbi Dux Emanuel Philibertus intellexit, non mo-

A

do



do excipiendi tanti viri, sed etiam minuendi longi itineris, vel iniecto ipsis Transalpinis populis summo spectandæ Sindonis desiderio cogitationem suscepit. Itaque quamprimum Camberio, Taurinum aduehi Sindonem paucis arbitris (quasi aliud agens, uti ferunt tempora) mandat, Comitante viro grauiſſimo Ludouico Millieto Fabricarum Barone, Sabaudi Senatus summo Præsides, qui paulo ante, ad foedus Helueticum ferendum solenniter à Duce ascitus fuerat.

Tunc forte Dux in Lucenti Castellum ad primum ab vrbe Taurina lapidem, secesserat, qui ad se primò allatam Sindonem magna cum veneratione prostratus excepit. Hoc Nonis Septembris, anni huius seculi LXXVIII: atq; ad XVIII. Calend. Octobres Taurinum adducere distulit. Quo die exaltationi Crucis sacro, nihil ad pietatis caeremonias prætermisſum fuit. Namq; Taurinensis Archiepiscopus HIERONIMVS RVERIVS, LVDOVICVS GRIMALDVS, Venciensis, FERDINANDVS FERRERIVS Eporediensis, DOMINICVS RVERVS Astensis, CAESAR GROMIVS Augustensis, Episcopi, vestitu Pontificio, thyraaq; redimiti, velut alteram arcam fœderis, eam, qua Sindon includebatur, thesauri impositam comportabant, veluti stolis, institisq; pendentibus. Circum verò quatuor ciuitatis procures explicatum cadurcum sublime sustinebant, spectata longo ordine Sacerdotum præcentione; Hos sequebantur Dux, Ducisq; filius CAROLVS EMANVEL Pedemontium Princeps, & aliquot sanguinis Principes, Apostolico simul Nuncio, OCTAVIO Sanctacrucio, Episcopo Ceruiensi, Et Oratore Veneto MATHEO ZANEO ipsi Duci astantibus, magna nobilitatis, & populorum serie insequente: qui obsecrabundi omnes, à Palatina porta, per ornatas tapetibus vias, in Diui LAVRENTII ædem, preciosas salutis humanæ reliquias deduxerunt, & in delubro repositas solenni præcatione ab Archipresule facta, ut salubriter



briter, vt prosperè, ac feliciter rei Christianę omnia succederent, effusi omnes, omnibus læticijs, vtroq; genu procumbentes, æquè sunt venerati. Denunciata mox ea re, incredibile est dictu quot hominum millia in hunc locum spectandi tanti miraculi gratia, concurrerunt. Heluetijs Oratoribus, Lucernensi inquam, Vraniensi, Suitensi, Vnderualdensi, Tugienfi, Friburgensiq;, admiranda religione perfusi sunt animi, quando seorsum 111. Cal. Oct. post fœdus anteriore die cum Duce ietum, Sindonem suspicere impetrarunt: omne profectò Catholicę, Romanęq; Religionis specimen ediderunt. Interea Boromeus, pedestri itinere aduentare fertur, selectis secum aliquot insigni sanctitate viris, quorum hæc sunt nomina, Io. Franciscus Bonhomeus Episcopus Vercellensis. Franciscus Adornius societatis I. E. S. V. Iacobus à Cruce eiusdem societatis. Io. Petrus Stoppanus Seminarij Mediolanen. Franciscus Bernardinus Cribellus Canonicus Metrop. Med. Octavianus Ferrerius Canonicus Mediol. Io. Baptista Caimus Canonicus Mediol. Ludouicus Moneta presbiter. Antonius Seneca I. C. N. Castanus I. C. Camillus Castellanus I. C. Hercules N. notarius. Iulius Homatus. Iulius Brunetus. Ambrosius Buimius Magist. Cremon. Et Franciscus Linus Sabaudia Ducis à secretis, ad deductionem destinatus.

Cardinalis verò ita sibi, & suis omnibus toto eo itinere, horas singulas distribuerat. Hora saltem x i. euigilandum; exsurgendum; contemplationi, orationi, preparationi studen-

A 2 dum



dum. xii. ad rem Diuinam, & communionem singulis diebus incumbendum: quo facto, matutinum iter quanto citius carpendum: itineris comites sint meditationes sacrę, tum alternis vocibus psalmi, hymniq; recitentur, de rebus deniq; diuinis colloquia misceantur. Horam xviii. cibo dari voluit, si ad hospitium peruenisse daretur, Numine prius in vici, vel municipij templo salutato, post sobrię curatum corpus, ad animi dapes redeundum esse; hymni, psalmiq; decantandi, subsequenter pijs sermonibus. Hora xx. cępta via prosequenda, septem psalmi pœnitentis Dauidis vltro citroq; repetendi. Hora xxii. obsecrationibus singuli vacabunt, donec in hospitium peruenerint, adito imprimis templo, gratijsq; Deo peractis; ad psalmorum inde statos numeros se conuertant, donec pensum diurnę seruitutis Deo persoluerint. Hora noctis secunda semis, ad cœnam se conferant, qua frugaliter sumpta, hymnoq; dicto, ad semetipsum quisq; cogitabundus redibit, vt si quam labem ea die contraxerit, examine diluat, & pœnitentia. Ad extremum, benignę quisque à Cardinalis manu dimissus, ad quietem hora ad minimum quarta se conferet, vt à vegetioribus resumatur subsequenter diei labor.

Hęc fuit iiii. dierum memoranda peregrinatio, vt alia sanctimonię argumenta præteream; illud maximę, quo apparatus opiparos fugiebat Oppidorum: Quale illud Clauasij; atq; in Syluam potius, locaq; deserta diuertebat, & humi secum accumbere frequentiam hominum (qui eum vel inuitum sequebantur) iubebat, & vtroq; cibo, intus, & extra vera CHRISTI imitatione pascebat. Sed memorandus magis, admirandi illius viri fuit in urbem ingressus, vii. Id. Octob. Dux ipse & Princeps, magnatesq; quotquot aderant, ei obuiam longę processerunt, pedibusq; simul ingressi in ædem D. Io. Baptistę Metropolitanam primum, deinde ad D. Laurentij templum deduxerunt. Videre erat videntes binos, fuscos  
amicos



# EVANGELICA.

5

amictos pallio, scipioni innixos, macilenta facie, abrafa barba, demissis oculis, aut quandoq; in cœlum erectis, mufsi-  
tantes, & mixta interdum fufpiria trahentes, nihil mortalis  
prę corpore, Diuinitatem ipsam toto pectore fpirantes.

Nouiffimus aderat Cardinalis, ad Ducis dexteram, huma-  
nitate ipfa humanior, vel ipfo vultu liberali, licet palli-  
do, fanctimoniam omnem præferens. Ad templum vbi  
peruentum eft, & in edito fanctuario fpectata Sindonis arca,  
quas preces vir ille fuderit, quæ vota foluerit, efto Superum  
nouiffe, non meum vt ipfe explicem. Sequenti die ad Diui  
Ioannis proximum fanum delata eft Sindon, quæ Cardinali,  
fuisq; fpectanda exhibetur; nouem fufitentantibus Epifcopis.  
Eadem poftidie frequenti populo ad arcis ampliffimam  
aream magno cum apparatu bis propofita eft. Hi, qui Præfu-  
lum aduenerant, munus illud afidue peregerunt.

Ipfe Boromeus Cardinalis.

Guydo Ferrerus fanctorum Viti, & Modesti Cardinalis Ver-  
cellenfis.

Octauius Sancta Crucius Epifcopus Ceruien. Nuncius Apoft.

Hyeronymus Ruuerius Archiepifcopus Taurinen.

Iofephus Parpalia Archiepifcopus Tarentafien.

Ludouicus Grimaldus Ventienfis Epifcopus.

Hyppolytus Rubeus Papienfis Epifc.

Io. Francifcus Bonhomius Vercellenfis Epifc.

Cęfar Gromius Auguftenfis Epifc.

Cęfar Ferrerius Sauonenfis Epifc.

Io. Maria Taparellus Salutiensfis Epifc.

At vir ille maximus, quodam Diuino ardore magis ac ma-  
gis inflammatus, tale fpectaculum concelebrare iugi quadra-  
ginta horarum oratione cogitauit; quod eo horarum nume-  
ro CHRISTVS intra triduum fepulchro recubuerit, & qua-  
dragefimo à refurrectione die, ad Cælum afcenderit. Theatrum

erigi



erigi curauerat Dux, adlaborante Archiepiscopo, in eam rem commodissimum, nec minus insigne, in æde D. Ioã. Baptistæ, sublimiore facie. Ara ibi conopæo, velarijs, & splendidis aulæis ornata assurgebat, Aræ, venerabilis arca superimminebat, reconditum illum thesaurum continens. Circum suffitus odoriferi, faces, & lampades innumeræ, in varias lineas, & speciosam seriem dispositæ, maiestatem quandam eminus representabant, & ex ipsa augusta specie, cunctorum vndiq; animi accendebantur. Accedebant Phonsorum modulamina, & dulces, proprij; puerorum soni, à quibus vox quasi Angelica ex adytis prodire sentiebatur. Accurrebant piarum societatum chori, per singulas horas, singuli, insistebantq; precationibus die, noctuque, nec prius desistebant, quin aduenientem alium cætum in locum substituerent. Ad Sanctuariū verò, aut ipse Dux sæpius, filiusq; Princeps, & ex patruele fratre Iacobo Duce Nemorosij, nepos Carolus Princeps Gebenesij inuigilabant, aut torquati supremi ordinis equites (quos Annunciata vocant) Amedeus à Sabaudia Sanramberti Marchio, Philippus, & Claudius à Sabaudia fratres Raconsij & Pancalerij reguli, Philippus Atestinus Burgomanerij Marchio, Andreas Prouāna Leniacus Frusasci comes, Federicus Ferrerius Casauallonus Romagnani marchio, Thomas Isuardus Simfredi Comes, Franciscus Martinengus Malpage Comes, Aeneas Pius à Sabaudia Sassoli regulus. Mauritanii quoq; Lazareij; equites subrubris togis amicti, virenti candidaq; cruce insigniti, diurnas, nocturnasq; vigilias, suo quisq; tempore, in ipso Sanctuario, bini aliquando, aut quaterni obierunt. Ceremonijs præerat Io. Baptista Viallius Calcanæus Prothonotarius, vir si quis alter, accuratę diligentię. Equitum nec filere decet nomina, præter eos supremi fodaliciij, qui hac etiam Mauritianæ religionis ac militia cum Duce præfulgent.

Asca-



Ascanius Bobba.	Ambrosius Arcator.
Sylla Rotarius.	Octavius Scalingius.
Carolus Prouanna.	Iosephus Benati.
Ant. Georgius Prouanna.	Iulius de Costis.
Franciscus Cappin.	Petrus Torta.
Vianesius Albergatus.	Franciscus de Laleæ.
Flaminius Auogadrus.	Prosper Carretus.
Gaspar Aschierus.	Carus Saminiatus.
Ludouicus Godius.	Carolus Emanuel Pingonius, fil.
Ludouicus Batianus.	Andreas Ferrerus.
Bonifacius Ofegne Comes.	Io. Baptista Saminiatus.
Christoforus Talicarneus.	Alexander Doria.
Paulinus Mamfredus.	Andreas Canalius.
Pompilius Bencius.	Philibertus Bobba.
Sancius Salinas.	Franciscus Daerius.
Ferdinandus Scalia.	Franciscus Vaucus.
Stephanns à Burgo.	Marcus Nazarus.
Federicus Morandus.	Bartholomeus Capø.
Paulus Crassus.	Petrus Maria Auogadrus.
Federicus Agabitus.	Paulus Lofa.
Annibal Rauoria.	Antonius Verna.
Carolus Franciscus à Lucerna.	Titio Camilla.
Gaspar Purpuratus.	Io. Baptista Scotia.
Alexander Pelleta.	Io. Baptista Craueta.
Gonzalus Salinas.	Ascanius Mocetus.
Alexander Viualda.	
Gulielmus Vialardus.	

Porro interpositis post horæ spacium precationibus, meditationibusq; è suggestu prodibant verbi Diuini oratores grauiissimi, qui sumpto mortis CHRISTI, & Sindonis, & sepulchri argumento, confessu frequentissimo, cui supplere vox nequibat,



quibat, nunquàm satis dixisse poterant, vel templi lapides, & fornices mouebant, lamentis & planctibus omnia miscebant: nullus non iam resipiscere apud se constituerat, vtinam ita perseverare omnibus eueniat. Hi fuere sacri concionatores, siue Ecclesiastes.

Cardinalis Boromeus, qui ter concionatus est.

Cardinalis Ferrerus, semel.

Hieronymus Ruuerius Archiepisc. Taurinen. ter.

Iosephus Parpalia Archiepisc. Taren. semel.

Ludouicus Grimaldus Venciensis, semel.

Io. Maria Taparellus Saluciensis, semel.

Io. Franciscus Bonhomius Vercellensis, semel.

Cæsar Gromius Augustensis, semel.

Cæsar Ferrerius Sauonensis, semel.

Franciscus Adornius Prouincialis societatis Iesu, quater.

Ambrosius Barbauarius Dominicanus Theologus, semel.

Petrus Christinus Theologus & sacerdos diui Mauritiij, &

Lazari, bis.

Annibal Sancius Vrbinas Franciscanus Mediolanensis regens

Theologus, bis.

Io. Baptista Caimus Canonicus Mediolanen. semel.

Iacobinus Meliarinus Canonicus Taurinen. semel.

Iacobus à Cruce Iesuista, bis.

Lælius Bifolus Iesuista, semel.

Io. Antonius Crassus Iesuista, bis.

Dominicus Mediolanensis Dominicanus, ter.

Bernardinus Ruffinatus Dominicanus, bis.

Antoninus Germonus Dominicanus, semel.

Io. Senensis Franciscanus, ter.

Paulus Camaldulensis Belga, semel.

Laurentius Mittanda Cuneas, bis.

Atq;



Atq; ita perpulchrè pieq; Taurini, raro exemplo, quadraginta conciones habitæ sunt, & quadraginta horæ exacte, III. Idus Octobris. Neq; hominum memoria, frequentiores populi huc affluerunt, neq; religionis vis maior apparere potuit: ipso Cardinali teste, qui postridie hinc æquius admodum, ac iucundius expleto animi desiderio discedens, nunq̃ satis sacram Sindonem extollebat, has Ducis diuitias commendabat, & patriæ felicitati bene præcabatur.

Sed quorsum hæc tanta (inquiunt aliquis) ad huiusce Sindonis commendationem? quasi vero nescias, quot & quibus calumnijs eam ex aduerso incessant maleuoli homines, quibus sæcula nostra abundant. Non esse hanc inquiunt Euangelicam Christi Sindonem, quin ex ipsa Euangelij historia, oppositum potius constare. Quorum aded importunis latratibus, nisi occurratur, frustra tot hominum religionem ad eam inuisendam, vndiq; concurrentium à nobis iactari. Agedum eorum nugas veluti ridicula quædam histrionum figmenta pijs, & eruditis viris floccifacienda monstremus: tamq; abesse, vt sacra Euangeliorum lectio contra hanc sacram Sindonem pugnet, vt confirmet potius, atq; consolidet. Itaq; eorum Achillem iam audire præstat. Aiunt à B. Ioanne, *Christum Lintheis ligatum cum aromatibus sepultum fuisse sicut mos est Iudeis sepelire.* Qui mos, ab eodem Ioanne in Lazari tumulo aperitur, his verbis. *Et statim prodijt qui fuerat mortuus, ligatus manus, & pedes, institis; siue fascijs sepulchralibus. Et facies illius Sudario erat ligata:* De CHRISTO item sic ait. *Vidit lintheamina posita, & Sudarium quod fuerat super caput eius non cum lintheaminibus positum, sed separatim inuolutum in unum locum.* Si igitur Iudæorum ritu sepultus est, qui Aegyptios quamproximè imitabantur (apud quos tot annos vixerant) vt scilicet primum ablueretur cadauer, aromatibus condiretur, ligaretur fascijs, siue panniculis, aut insectis loris, quæ τὰ ὀστέα dicuntur. Idq; per manus & pedes, ceterosq; artus,

B

excepto

In Ioanē  
Caluinū  
& hereti  
cos asse-  
clas.  
Io. 19. c.  
Ioan. 11.  
Ioan. 20.  
Genesis  
c. 50.  
Corneli-  
us Taci-  
tus libro  
21.  
Herodo-  
tus li. 2.  
Enterpe.  
Iosephus  
de bello  
Iudaico.



- excepto capite, quod sudario tantum obtegebant, cum fasciis obuinciri commodè non posset, què potuit Sindon ex eo more applicari? aut si iam pollincto, & exornato corpori superiniecta est, has neutiq; humani corporis impressas notas retinere potuit, tum propter fascias illas intermedias, tum propter sudarium capiti circumiectum. At viderint illi perspicacius quid Mathæus Euangelij scriptor clarissimus, post Crucis supplicij descriptionem, de Sindone loquatur, his verbis, quæ exscribere non pigeat, Et dum illi legent, quid simus responduri animaduertamus. *Cum autem sero factum esset, venit quidam homo diues ab Arimathea, nomine Ioseph, qui & ipse discipulus erat IESU hic accessit ad Pilatum, & petijt corpus IESU, tunc Pilatus iussit corpus reddi, & accepto corpore Ioseph inuoluit illud sindone munda, & posuit illud in monumento suo nouo, quod exciderat in petra, & aduoluit saxum magnum ad ostium monumenti, & abiit. Et quæ sequuntur Cum Mathæo, Marcus conuenit, in hæc verba. Et cum iam sero factum esset, quia erat Parasceue, quod est ante Sabbatum, venit Ioseph ab Arimathea, nobilis Decurio, qui & ipse expectans regnum Dei, & audacter introiit ad Pilatum, & petijt corpus IESU: Pilatus autem mirabatur, si iam obijisset, & accersito Centurione, interrogauit eum, si iam mortuus esset, & cum cognouisset à Centurione, donauit corpus ipsi Ioseph. Ioseph autem mercatus Sindonem, & deponens, eum inuoluit Sindone, & posuit eum in monumento, quod erat excisum de petra; & aduoluit lapidem ad ostium monumenti. Lucas verò sic ait. Et ecce vir nomine Ioseph, qui erat Decurio vir bonus, & iustus qui expectabat & ipse regnum Dei: Hic accessit ad Pilatum & petijt corpus IESU, & depositum inuoluit Sindone, & posuit eum in monumento exciso, in quo nondum quisquàm positus fuerat. Paulo post sequitur. Petrus autem surgens cucurrit ad monumentum, & procumbens, vidit lintheamina sola posita, & abiit, secum mirans, quod factum fuerat. Ioannes verò distinctius persequitur. Post hæc autem rogauit Pilatum Ioseph ab Arimathea (eo quod esset discipulus IESU, occultus*
- Mat. 27. sap.
- Mathei. 15.
- Luc. 23.
- Luc. 24.
- Ioan. 19.



occultus autem propter metum Iudeorum) ut tolleretur corpus IESU,  
 & permisit Pilatus. Venit ergo, & tulit corpus IESU. Venit autem  
 Nicodemus, qui venerat ad IESUM nocte primum, ferens mixturam  
 Myrrhæ, et Aloes, quasi libras centum: acceperunt autem corpus IESU,  
 & ligauerunt illud linteis, cum aromatibus, sicut mos est Iudeis sepelire.  
 Paulo post subiungit. Exiit ergo Petrus, & ille alius discipulus, <sup>Ioan. 20.</sup>  
 & venerunt ad monumentum: currebant autem duo simul, & ille  
 alius discipulus (de se Ioannes loquitur) præcurrit citius Petro, &  
 venit primus ad monumentum, & cum se inclinasset, vidit posita lin-  
 teamina, non tamen introiuit. Venit ergo Simon Petrus, sequens eum,  
 & introiuit in monumentum, & vidit linteamina posita, & Sudarium  
 quod fuerat super caput eius, non cum linteaminibus positum, sed se-  
 paratim inuolutum in unum locum. Hæc sanè omnium ex quatuor  
 Euangelicæ veritatis architectis: quæ (ni fallor) viam nobis la-  
 tissimam aperiunt ad sciolorum, atq; impiorum friuolas obie-  
 ctiones euertendas. Nunquid enim non conueniat (ne rem  
 longius arcessamus, & sacra sacris potius intexamus) CHRIS-  
 TVM mortuum, duos nobilissimos habuisse pollinctores,  
 vnum Iosephum Arimathensem Decurionem, assiduum, siue  
 diuitem; Alterum Nicodemum, itidem virum pium: emptamq;  
 à Iosepho Sindonem mundam, à Nicodemo aromata, Aloes  
 & Myrræ: Sindonem, ut depositus de Cruce CHRISTVS il-  
 lico tegetetur, inuolueretur, honestè exciperetur: donec de  
 sepultura & apparatu prospectum esset, & inuolutus in mo-  
 numentum deferretur: Aromata autem ut postquam delatus  
 esset in hortum, ad fores monumenti, ritè lauari, inungi, lin-  
 teis, siue ligaminibus, aut fascijs, quæ <sup>ibid.</sup> iam diximus, obli-  
 gari posset. Atq; ita vtrunq; subsistet, & Sindonis veritas, &  
 sepulture ritus. Neq; certè pollinctura eo loci, satis commo-  
 dè, aut honestè ab officiosissimis viris peragi potuit, neq; fa-  
 tis turè, cum maximè Iosephus dicatur à Ioanne occultus fuisse  
 CHRISTI discipulus, propter metum Iudeorum. Igitur di-



stinctè vt dicamus, hunc sepulturæ apparatus, hoc ordine re-  
 ctè exposuerimus: vt Ioseph primò corpus I E S V è Cruce re-  
 ceperit: Secundò receptum hac Sindone inuoluerit, seu con-  
 texerit potius: Tertiò ad ostium monumèti delatum, vnguen-  
 tisq; delibutum, alijs linteis ad hoc ipsum paratis circumuol-  
 uerit, sicq; ligatum atque inunctum patriæ more sepulchro  
 condiderit. Quis enim verosimilimum non dicat, Iosephum  
 non aliter mundam Sindonem mercatum fuisse, quam vt Sa-  
 crosanctum corpus de Cruce depositum, statim exciperet, to-  
 tumq; à capite ad pedes, ad decorem & reuerentiam obnube-  
 ret? Quare rem sic se habuisse dixerimus. Sindonem hanc pe-  
 des circiter x i i. longam, tres latam, & eo amplius, stratum,  
 extensamq; primùm humi, aut in appparata tabula fuisse, tum  
 de Cruce refixum, deductumq; medio linteo ad tabulam,  
 superimpositum, deinde Sindonem reliquam, à capite ad cal-  
 ces reiectam, & toti corpori accommodatam, atque ita ela-  
 tum, & in monumento positum. Inde facilè contigit, vt cor-  
 pus flagris, sentibus, plagisq; acerbissimis recens faucium,  
 eductis clavis, cruore fluens, tabo, sudoreq; madens, refrica-  
 tis ex agitatione corporis vulneribus, ex vuido intinxerit,  
 singula imprefferit, & ipsammet formam in Sindone repre-  
 sentauerit, concurrentibus circa medium linteum verticibus,  
 complicatis manibus, & pedibus ad vtramq; oram hinc inde  
 protensis, vnde auersi, & aduersi hominis adumbratam effi-  
 giem, & integram symmetriam, quasi quibusdam descriptis de  
 lineamentis deprehendas, præsertim si ex obliquo captato fi-  
 guræ lumine, remotis facibus intueare: vt videre est, non mo-  
 do contemplari: argumento ab effectu, & re ipsa validissimo.  
 Et profectò agnoscuntur quæ veteres Theologi de C H R I-  
 S T I effigie monumentis tradiderunt. Hæc Nicephori Calisti  
 antiquissimi Græci verba sunt.

Nicepho-  
 rus lib. i.  
 cap. 40.

Egregio is vuidoq; vultu fuit, Corporis statura ad palmos pror-  
 sus



sus septem, Caesariem habuit subflauam, ac non admodum densam, leuiter quodammodo ad crispas declinantem, Supercilia nigra, non perinde inflexa, Ex oculis subflauescentibus mirifica proueniebat gratia, Acres ij erant, & nasus longior, barba pilus flauus, nec admodum demissus, Capitis porro capillos tulit proluxiores, nouacula enim in caput eius non ascendit, neq; manus aliqua hominis, praequam matris in tenera duntaxat etate. Eius collum fuit sensim declinans, ita ut non arduo & extento nimium corporis statu esset. Porro tritici referens colorem, non rotundam, aut acutam habuit faciem, sed qualis matris eius erat, paulum deorsum versus vergentem, ac modice rubicundam: grauitatem atq; prudentiam cum benignitate coniunctam, placabilitatem iracundiae expertem praesferentem; Persimilis denique per omnia fuit Diuinae & immaculae suae genitrici. Haecenus Nicephorus: Qui lentuli Romani in Iudaea magistratum gerentis epistolam ad Senatum imitatus videtur, cuius haec verba sunt. Apparuit temporibus istis homo magna virtutis nominatus IESVS, qui a gente Prophetia dicitur; quem eius discipuli filium Dei vocant, suscitans mortuos, sanans omnes languores: Homo quidem stature proceri mediocriter, & spectabilis, vultum habens venerabilem, quem intuentes possunt diligere & formidare, Capillos habens coloris nucis auellanae premature, & planos ferè usq; ad aures, ab auribus vero cincinnos, crispas, aliquantulum ceruleos, & fulgentiores ab humeris ventilantes, discrimen habens in medio capitis, iuxta morem Nazareorum, frontem planam, & serenissimam, cum facie sine ruga & macula aliqua, quam rubor moderatus venustat: nasi & oris nulla prorsus est reprehensio. Barbam habet copiosam, & intonsam, capillis concolorem, non longam, sed in medio bifurcatam: Aspectum habet simplicem & maturum: oculis glaucis, varijs, & clavis existentibus, In increpatione terribilis, in admonitione blandus, & amabilis, hilaris, seruata grauitate. Qui tamen nunquam visus est ridere, flere autem sepius. Sic in statura corporis propagatus, rectas manus habens, & brachia, & omnia visu delectabilia, in colloquio grauis, rarus, & modestus, speciosus inter hominum filios.

CHRI-

Antoni<sup>9</sup>  
Eps Flo-  
rentin. in  
chronico  
ex Eutro-  
pio, in an-  
nalibus.



*Lib. Augusti & Taurinorum.* CHRISTI quoque numismata antiquissima aliquot, adhuc extant; Et æneum vnum magno labore conquistum, in meis pluteis conferuo, quod alibi fusius exposuimus.

*Ex antiquissimo numismate.*



*Ex Vincentio hist. lib. 7. ca. 56. Et Evangelio Nicodemi.*

Huic quoq; Sindoni non parum gloriæ tribuit Nicodemus Evangelium: quod licet inter apocrypha sit, credendiq; necessitatem non imponat, pietatem tamen inducit, nec est inutile. Afferit enim Iosephum ea Sepulturæ nocte à Iudæis in vincula fuisse coniectum; CHRISTVM Q. sibi apparuisse dixisseq; . *Noli timere Ioseph, respice me, ego sum IESVS, quem tu sepelisti, & tenens manum meam deduxit ad locum ubi sepelivi eum; Et ostendit mihi Sindonem, & fasciale in quo caput eius involui.* Et quæ sequuntur. De Sindone quoq; Iuuenius presbyter, qui sub Constantino magno Anno cccxxx. floruit sic cecinit.

*Iuuenius lib. 4. E. Evangelice historia.*

*Concessit Preses, sed corpus fulgida lino. Texta tegunt, saxiq; nouo componitur antro.*

Nec multo post, sub Theodosio Anno cccxxx. Sedulius eousq; Sindonem extollit, vt ex ea resurrectionem verè probari affirmet hoc carmine.

*Cuius iacet intus amictus?*

*Cuius ad exuias sedet Angelus?*

At inquiunt, quæ plaga lateris in sinistram partem in hac Sindone cernitur? quæ plaga dextrum versus illata fuit. Id quod tamen à Ioanne non exprimitur cum ait, *Unus militum lancea latus eius aperuit, & continuo exiuit sanguis & aqua.* Id nihil



hilominus non diffitear, vt dextra per sinistram hic indicat: quemadmodum impressi sigilli typus aliud latus referre solet, & quod in vno dextrum, in alio sinistrum, ipsa sui reuersione appareat. At verò isti vltius commouere inuidiam & dissidia miscere cum alijs Regionibus satagunt: Aliam videlicet Sindonem in Burgundia Bisuntinos habere, aliam in Lusitania Turdetanos iactitare, vt quoque Germania apud Traiectum sibi suam tribuit, ac proinde ex eo conflictu vanas eas omnes vnà cum Sabauda reddere contendunt. Illis populis, qui suas tueantur, iusta arma non deerunt, præter hæc Evangelij firma propugnacula, cum plura fuisse lintheamina exprimatur, vt vero est simile, matronas sollicitas, cum Iosephi Sindone alia (vt prædiximus) cōtulisse linthea, quæ aliquas etiam notas cruoris & sudoris imbiberint. Quod alij blaterant, non hanc tandiu potuisse Sindonem integram conseruari, corrupti linum, intextaq; omnia tempore. At non frustra cecinit Diuinus vates. *Nec dabis sanctum tuum videre corruptionem.* cum hæc pars corporis sacrosancti inhereat, ac proinde corruptionis experts, accessioni cedente materia: Nec ideo eam adorandam ambigendum est, ex ipsius vatis sententia, cum ait, *adorabimus in loco vbi steterunt pedes eius.* Quid si (inquiunt) resurrexit, nulla pars corporis in terris remanere potuit, ac proinde sanguis qui creditur, non Christi erit, qui ad Cælos integer ascendit. Verum ignorant Resurrectionis veræ, membra ea esse potissima, quæ ad compositi absolutam constitutionem pertinent, non verò minutissima quæq; , & excrementorū huiusmodi species: alioquin absurda plurima sequerentur. At illi añunt, Quin potius pictura hæc est, arte elaborata. Sed si propius intueantur (quod vel pictorum nullus artificumq; ibi inficias) nulla id arte opus assequi, nullo imitari penicillo, nullis coloribus exprimi, fingiue posse fatebuntur. Diuinus enim splendor, se non depingi patitur, metiri, aut assequi: imo ex ipso intuitu,

*Psalmos*  
15

*Psalmos*  
131.

*Ex Diuo*  
*Thoma*  
*Agnat.*  
*&c.*



*Eusebius  
lib. 1. ca.  
13.  
Nicepho-  
rus li. 2.  
cap. 7. ex  
archiuis  
Ciuuitatis  
Edeffe.*

intuitu quædam de repente subit admiratio sub oculorum acumen, Thaumantiæ maior : & animum reuerentia, feruorq; mouet, vt demissam ab alto Diuinam præsentiam adesse sentias. Huc attinet Abagari Edeffenorum Principis historia, Qui eo quo in CHRISTVM tenebatur desiderio, perculsus, Pictorem eximium ad eum misit, sed opus cœptum, quod non succedere potuerit, ipsa coruscans Diuinitas impedimento fuit : fauere nihilominus pijs votis CHRISTVS voluit, & admoto capiti linteo, faciem ad viuum expressam reddidit, quam ad Abagarum Principem misit. Quemadmodum verò integra effigies hac in Sindone de CHRISTI corpore expressa, ad Sabaudos Principes non immeritò tandem peruenerit, hoc nunc potissimum expectari ab omnibus sentio. Quis progressus ab eo tanto tempore, quæ cura, quæ sollicitudo conseruandæ tantæ rei, tanti operis, & pretij. Primum certissimis coniecturis, quarum aliquot attulimus; piè in tantis temporum inuolucris, credendum veniet. Alterum tabulis indubitatis, & monumentorum publica fide in aperto erit omnibus. Cum igitur Petrus, Ecclesiæ caput & Princeps à CHRISTO designatus, monumentum vacuum introire non extimuit, viditq; Sindonem & linteamina, nec non Sudarium: quis dubitet hæc non neglexisse, quin sollicitè secum asportasse? Ioannem item viæ comitem tantarum exuiarum partem exquisiuisse, & impetrasse? aut certè Iosepho, tanq̃ sepulchri Domino, & Nicodemus benemeritis de CHRISTO discipulis, omnia vti decebat consignata fuisse? Deniq; has diuinitatis diuitias, & incomparabilem thesaurum, semper ad viros principes, & potentes rerum, quasi per manus traditum, commendatum, in magno pretio, honoreq; habitum, & religiosè conseruatum. Hinc ad Hierosolymitanos reges peruénisse non ambigam, Christianissimis maximè ex Gottofredi Bollioni gente, qui Gallo- rum primus anno salutis M x c v i i i. Hierosolyma expulsis Saracenjs



racenis potitus est, & ad Lufinianos Hugones, Guidones, Henricos, Ianos, & alios Reges cum Cyprio diademate transmisit. Cuius stirpis rex vltimus Ioannes, Iani filius, sororem habebat Annam Ludouico Sabaudia Ducis collocatam, anno Mccccxxxii. a qua Sabaudia Duces sunt editi. Ioanni item regi filia fuit vnica, & hæres Charlota, quæ anno Mcccclvii. nupsit Ludouico Ludouici Ducis filio, necessitudinis vinculo à Nicolao V. Pont. max. non abs re laxato: Hinc Sabaudus, Rex Cypri salutatus. Sed vt ad rem propius, Dum anno Mcccclviii. Orientis Imperij sedes vi, & armis, à Mahumete Turcarum rege expugnaretur, cede omnia diriperentur, & vastarentur, Constantinus Palæologus ipse truncatus capite, regni, simul & vitæ finem fecisset, nihil in Græcia, nihil in Asia, aut Syria tutum restaret, aufugerent omnes atrocissimi tyranni crudelitatem, Illustris quædam matrona Margarita à Carni nomine, sarcinis collectis, inter quas hanc raram Sindonem reposuerat, Græcia mouere, cælumq; mutare constituit, atq; in Galliam proficisci. Hanc à regibus Hierosolymitanis prodijisse ex eo constat, quod Hierosolymitana in historia Cypria vocetur, nupta Hæctori Lufiniano Philippi filio: quibus omnibus tempora conueniunt. Carnim autem denominatam puto, quod Carinæ vrbi Ionie in Asia minori, dominaretur: aut Carnæ Aolidis, siue à Carnæ oppido Pheniciæ, quod ad montem Libanum reponitur. Burgundam alij ferunt, quod eius nominis illustris ibi sit familia, siue in Asiam illa migrarit, siue ab Asia in Gallias deducta fuerit. Vbi ergo in Italiam Carna appulit, & magnis itineribus Alpes superauit, Camberij (quæ Sabaudia Ducum regia est) à Ludouico & Anna Cypria Ducibus, splendidissimè, vt tantam principem matronam & affinem decebat, excepta est. Quibus tandem hoc Sacrosanctum Sindonis munus, discedens non sine magnis obsecrationibus contulit. Quid verò intercesserit, quid donationi cau-

*Ex archi-  
uo Sabau-  
do.*

*Matthe-  
us Pal-  
merus in  
chronico.*

*Ex histo-  
ria Cypria  
Stephani  
Lufignan-  
ni: & ar-  
bore gen-  
tis Lusi-  
gnanæ.  
Stepha-  
nus de vr-  
bibus.  
Plin. lib.  
5. ca. 20.*

*Ex dona-  
tionis ta-  
bulis a-  
etis Cam-  
berij 22.  
Mart. an-  
no 1452.*

C

sam



fam dederit, non hoc loco absonum sit paucis enarrare. Instru-  
ctissima ad longum viaticum omnia Princeps illa habebat,  
Equitatus, muli dossuarij, Cistę signa, vasaq; suppetebant, nec  
as ingens deesse videbatur, liberalitate ipsa teste, quam erga  
omnes exercebat. His copijs fures allecti, negligentiore Grę-  
co famulatio, scrinia aliquot effringunt, & nocte intempesta  
quantam possunt supellectilem subducunt, inter quam ve-  
neranda Sindon capsula deaurata includebatur. Ceterum fu-  
res dum rapta inter sese partirentur, nec isti satis demirari pos-  
sent elegantem Sindonis texturam, nulli telarum compara-  
bilem, hanc per medium abscindere statuunt. Sed forfices te-  
nenti, tentantiq;, contortę sunt manus, conuersumq; protinus  
collum, & quasi clinicus obstupuit: Alter, usurpato sibi inte-  
gro linteo, dum sudoris, & cruoris humani stigmata vndis  
abluere conatur, vt res venalior redderetur, eo magis vtraq;  
pars hominis impressa apparebat. Cuius radijs etiam, vtroq;  
est orbatus lumine. Interea præconis voce per compita graue  
supplicium receptatoribus indicitur: at furtum indicantibus,  
aut restituentibus, non modo impunitas, sed præmium pro-  
mittitur. Ipsa quoque Carna reddito solo sibi Linteo, cetera  
quamuis præciosa, munificè concedebat. His rebus adducti  
prædones, furto restituto, religione se exoluunt, & ad pœni-  
tentiam stimulat, voto soluto, salutem præsentissimam con-  
sequuntur. Nullus non lætitia singulari affectus est, & Princi-  
pi matronę à nostris Principibus impensè gratulatum est, de  
insigni inuenta Sindone. Deniq; maiori in veneratione habe-  
ri cœpit, ob factum Diuinitus in resipiscientium prædonum  
gratiam miraculum. Idq; Camberij, vel eo nomine, celebra-  
rimo futuro oppido. Quapropter Dux Anna Cypria, ardens  
animo, audaciorq; à Gentili sua, & Gręca munus illud fami-  
liariter, obnixęque postulat, Sed promptam efflagitationem,  
promptior sequuta est recusatio. Quodcumq; illa aliud popo-  
scerit

*Ex veteri  
tabella  
Sindonis  
tēplo affi-  
xa, & no-  
tis Petri  
Pingtonij  
proau.*

*Primum  
miraculū*

*Secūdum  
miraculū*

*Tertium  
miraculū*



scerit non denegaturam se, profusuram potius omnia, vno hoc excepto, in quo animi solatium, corporis requiem, spem deniq; & salutem reposuerit. Factum est satis Duci modestissime, nec sine reditus desiderio Græca officiosè dimittit: At dum muli scrinijs onerantur, agunturq; à veterinarijs, in ipso vrbis egressu, nunq̃ adduci, cogiue potuit mulus clitellarius, cui sacrum onus impositum fuerat, portarum valuas prætergredi, ut alio sequeretur; Ac proinde existimatum est Diuina id fieri prouidentia, Diuinum illud pignus Sabaudis Principibus & Camberio deberi: Itaque à Ludouico & Anna Ducibus exoratur tandem Margarita: Ipsa rei miraculo, non parum ad eam quam diximus donationem munificentiamq; exercendam adducta est. Tantum ob donum, gratias immortales Duces egerunt, supplicationes Superis indixerunt, arcis marmoreo sacello perpetuo conseruaturi reposuerunt. Quod Sacellum Paulus II. Pontifex Max. in Ecclesiam collegiatam erexit: ipse etiam Ludouicus ex auro, ære, argento numismata cudi iussit, quibus vna ex parte Ducis effigies, ex altera Angelus (qualis ferè in CHRISTI tumulo apparuit) Sindonem passis vlnis ostentans representatur.

4. Miraculum.



Ex numismate Ludouici.

Dehinc non dictu est facile quot nuncupata vota feliciter successerint, quot miraculis illustratus sit locus, comprobata, conseruataq; loco sincera fides, & maiorum pura religio.

C 2

Hic



Ex tabu-  
lis innu-  
meris Cæ-  
seriano  
tēplo affi-  
xis.

Hic mutos loqui, audire surdos, videre cecos, claudos am-  
bulare, lepra affectos mundari, Cacodæmone vexatos libe-  
rari, mortuos deniq; reuiuiscere quoties visum est, & non se-  
mel admiratum: testes sunt fixæ ad sacros postes tabulæ, siue  
programmata, cartophilacia, codicilli publici: testis vniuersa  
Europa, cuius cum nulla non tam remota pars huc accurre-  
rit, nullus non voti compos ad suos lares redijt. Ad quæ sin-  
gula describenda nullæ mihi chartæ sufficerent. Quid Ame-  
deum octauum Ludouici filium, inter Diuos ob vitæ sancti-  
moniam relatum, referam? quàm sepe à Subalpinis ad Trās-  
alpinos, quamuis valetudinarius, humili habitu, cultuq; corpo-  
ris, ad venerandam Sindonem pedibus profectus est, inse-  
quente etiam Iolanda à Francia Christianissima coniuge.  
Quid Philibertū? quid Carolum eius nominis primum com-  
memorem? cuius Caroli numisma quoq; auito exemplo, ad  
Sindonis memoriam cūsum est, Angelo Sindonem, quasi tro-  
pheum, extollente.

Ex notis  
Ludouici  
Pignonij  
aui mei  
an. 1470

Ex ipso  
numisma  
te argen-  
teo.



Ex Bulla  
data Ro-  
mæ anno.

1480.

Ex ipso  
tractatu  
Sixti re-  
lati i bul-  
la Iulij ij.

Quo sæculo Sixtus III. Pontifex Maximus Sacellum, in quo  
Sindon illa conseruatur, Sanctum dici voluit, affirmavitq; li-  
bello antea à se edito, in ipsa Sindone ipsius CHRISTI ve-  
rum sanguinem, & imaginem conspici. Quid Philippum Du-  
cem (qui Carlo Ioanni Amadeo trinomini, pupillo, Caroli,  
filio



filio tandem successit ) in medium proferam & Claudia  
 Britannica Pontiberi conjugis pietatem; quam omnibus mo-  
 dis ad venerationem & custodiam huius Sindonis exercue-  
 runt Philibertus quoque secundus, Philippi ex priore coniuge  
 Margarita Borbonia filius, cum patri successisset, duxissetque  
 Margaritam Austriacam, filiam Maximiliani Imperatoris, so-  
 roremque regis Hispaniarum Philippi, hunc ipsum Philippum,  
 in arce Pontis Indis Sebusiani agri splendidissime excepit, *Ex notis*  
 anno MDIII. & spectandę Sindonis, ibi (qua potissimum *Ludouici*  
 de causa venerat) copiam fecit. De mortuo mox Philiberto, *Pingonij*  
 Carolus, ex secundis nuptijs frater, cum Claudia matre rerum *patris, et*  
 potitur. Hęc sanctimonię incomparabilis foemina, inter pre- *Iacobi De*  
 ciosum mundum, & iocalia hanc habebat Sindonem, & in Bil- *lexij eius*  
 liaca arce Beugesij, ubi ad pietatem secesserat, religiosę *seculi.*  
 diu conseruauit: donec anno MDVI. Caroli filij Ducis pre- *Ex Bulla*  
 cibus, & patrię votis, Camberianis populis restituit, simulque *Iulij 2.*  
 à Iulio secundo, Ruuerę gentis, Pontifice maximo impe- *dat. Rom.*  
 trarunt, ut in eo sancto Sacello Sindonis officiũ (horas Cano- *apud San*  
 nicas vocat) resque diuina, ppiatorio ritu peculiariter celebra- *ctum Pe-*  
 ret. Diesque sacer Sindoni, ad quartũ nonas Maij habereť, post *trum vij.*  
 dię Inuentioni Crucis festũ, eũque rei appositissimũ. Alio quoque *cal. May*  
 diplomate veniales largitiones singulis cõtulit noxarũ oĩum, *anno Põ-*  
 qui supplices eã suspicerent Sindonẽ, & venerarent. Quæ de- *tis. 1506.*  
 niq; eo statò die, ad arcis Camberianę muros, Verneteumque  
 campum, spectanda proponitur. Accepi patrum memoria *Ex notis*  
 Franciscum Francorum Regem, Ludouica Sabauda matre na- *paternis*  
 tum, cum ad Marinianũ, in summo belli discrimine, Me- *anni 1516*  
 diolanensium rerum causa, adductus esset, vota ad CHRISTI *15. Iunij.*  
 Sindonem direxisse, moxque precanti adfuisse Numen, extin-  
 xisse Heluetiorum impetum, in suas partes inclinasse victo-  
 riam. Tum p̃sidijs Mediolani constitutis, in Galliam reuer-  
 sus, anno MDXVI. regni verò secundo, Rex Lugduno mo-  
 uens



*Ex notis  
Iacobi De  
lexij.*

*Ex notis  
Lelij à Ru  
uere pa  
tricij Tau  
rinen. Vi  
cononi re  
guli.*

uens, Camberium pedibus iter fecit, Sacram Sindonem reli-  
giosissimè inuisit, & adorauit. A Duce verò Carolo auuncu-  
lo splendidissimè est exceptus. Is item Carolus anno huius  
seculi, xxii. Taurini agens, sæuè pestis elapsus periculo, tra-  
iectis pedestri itinere alpiibus, Camberium ad Sindonis ora-  
culum accessit, assumptis secum duodecim sacræ peregrina-  
tionis comitibus, quos inter Lelius Ruuerius, Hieronymi  
Taurinensium Archiepiscopi pater, allectus fuerat. Sed dira  
bellorum præfagia anno MDxxxi. demonstrata sunt, cum  
secundo nonas Decembres, Barbaræ virginis festo die, no-  
cte media vix illabente, illud acris sacellum, in quo Sindon  
reponebatur, flammis incognitis exarsit, Accurrebant omnes,  
sed omnium diligentissimus, Philibertus Lambertus, Ducis à  
clauibus, & consilij, ascito secum ferrario fabro Gulielmo  
Pussodo nomine, & Frâciscanis duobus, Imperterritio animo,  
per medios ignes gradiuntur, cancellos ignitos arę maximæ  
affixos, serasq; effringunt, Sindonem iam liquefacta capsâ  
argentea, extrahunt, & integram, cedente circum flamma, re-  
portant. Effusis ignibus grassabatur incendium, absumeban-  
tur marmora & columnę, sed potentiore piorum hominum  
fide, viq; Numinis, superata est ignis natura: fugiebant flam-  
mę, & qui putabantur arfuri, velut frigido rore perfunde-  
bantur, seq; ipsos sunt admirati, velut illis quondam Hebręis  
pueris contigisse credimus. Istud equidem palam omnes vi-  
dimus (tunc enim aderam) & obstupuimus. Nec multo post  
Sindon publicè representata est integerrima; præter quod (ex-  
tra tamen sacræ iconis partes) in complicatu, exiguæ quędam  
ambustionis notæ, veluti perpetuæ miraculi testes remanse-  
runt. Nihilominus non defuerunt qui exustam eam mox falsò  
prædicauerint. Quem casum, vbi Clemens vii. Pont. Max. ac-  
cepit, rem Ludouico Gorreuodo Cardinali sedis Apostolicę  
Legato committit, qui inquisitione diligenti facta, eam ipsam  
Sin-

*Mirach-  
lum.*

*Danielis.  
2.*

*In Calui-  
ni calum-  
nias.*

*Ex diplo-  
mate &  
tabulis  
an. 1534  
15. Apr.*




# EVANGELICA.

Sindonem, quæ ante fuerat, obfignatis tabulis affirmavit. Pontifex verò maximus, de Patrum amplissimi ordinis consensu, piæ sanctæq; à maioribus Pontificibus largita omnia comprobavit. Nec multò post ingrauescentibus bellis, expulsoq; Carolo Duce, anno MDXXXV. pignus illud redituræ aliquando salutis, ipse secum studiosissimè Vercellas detulit, & quandiu vixit conseruavit. Eo verò vita functo anno MDLIII. expilatis à prorege Carolo Cossco Brissaco mense Nouembri Vercellis, nihil tamen Sindoni sinistri contingere potuit: ille siquidè cū affeclis appropinquas, obstupuit, pedè retraxit, hæc inuiolata Sindon Emanueli Philiberto successori cōseruata est. Posteaquam autem fauente, summo Numine pax illuxit anno MDLIX. restitutusq; est Emanuel, ducta Margarita à Francia Regum filia, sorore, amita, & matre verè Regij Caroli Emanuelis: Sindonem hanc Camberij reportari piè iussit, anno MDLXII. nuperq; non vnīs literis, vrbi restitui pollicitus est. In qua vrbe iam primum olim collocata, & ipse faustis patriæ auspicijs natus fuerat. In cuius gratiam quæ à nobis tunc emissa fuerunt carmina, inserere, atq; ita narrationem claudere non verebor. Sed prius representandum est numisma, quod recens cudi, maiorum imitatione, ad Sindonem piam memoriam Dux religiosissimus mandauit.

Ex li. 30.  
Historie  
nostre Sa  
bande.

Vidi.

Ex literis  
Ducis ad  
Præsidentē  
Milletū,  
cines, &  
collegiū  
mēsis Au  
gusti.  
1573.





A D  
**EMANUELLEM**  
**PHILIBERTVM**  
 SABAVDIAE DVCEM.  
 S I N D O N.

- A**BDITA priscorum tot post oracula vatum,  
 Matthei 4. Ter felix Sirius, Solymiq; fuere coloni  
 Qui natum Patris eterni praecepta sequuntur,  
 Ioan. 1. Hunc hominemq; Deumq; assumpto carnis amictu  
 Hebr. 5. Ut nos eriperet metuendi ex faucibus orci,  
 E. Tim. 1. Aspexere suis oculis, & verba loquentis  
 Ioan. 20. Hauserunt: Immo qui non videre beati  
 Talia si credenda imo sub corde reponant.  
 Ephes. 4. Dixero felices iterum, pietate priorum,  
 Quiq; fide nixi oana, vestigia lustrant  
 Observata retro, ducunt res hincq; futuras.  
 Prov. 16. Perq; manus sumpsere, decet quid credere, quid non  
 Nec regere arbitrio tentarunt cuncta suopte,  
 Psal. 14. Quales qui sibimet pugnantia somnia fingunt,  
 1. Pet. 3. Atque animo nunc huc volucris voluuntur, & illuc,  
 2. Corin. 10. Inq; novos sensus olim stabilita retorquent.  
 Psal. 36. Propositum quorum est fraterno sanguine pasci,  
 Eph. 4. Numina fabellis componere anilibus, ut nos,  
 1. Tim. 6. Osea 5. Contineant Reges (aiunt) animamq; cadaver  
 1. Tim. 1. Putre sequi, porcorum Epicuri de grege nati.  
 Rom. 1. Audio quale hoc & o mores, o tempora: rerum  
 2. ad Cor. 3. Quae series, orbis miseri quis vertitur ordo?  
 1. Corin. 15. Quis furor o ciues? redeundum est, & sapiendum

Insanisse



Insanisse satis: matrem preferte nouerca. Ephes. 4.

Vos vocat, & gremium, amplexusq; parauit amicos.

Quid meminisse nocet? (potius meminisse iuuabit.)

Corticibus que scripta sacris, seruata videmus. Ioan. 5.

Integra, nec cariem senserunt temporis acti, Heb. 2.

Scripta velut res est, rem sic testentur ut actam,

Præfigantq; oculis, feruentior utq; cale scat.

Religio, tepidis tandem que sensibus alget. 2. Tim. 4.

Hoc minime est inter permulta insigne tacendum.

Postq; res hominum Fatis cessere secundis,

Et belli signum Solyma processit ab arce.

Confecti, ac victum SERVATOR subdidit hostem, Io. 12. &

Tot grassatus erat qui annorum millibus orbe, 16.

Dira adeo sobolem labes affecit Adami, Gen. 3.

Illusam nimium, cum uxorius audiit Euam,

Donec Alexicacus venitq;, aciemq; parauit 1. Tim. 2.

Ille potens, solus nos prælia propter inuuit, Ioan. 19.

Consummauit opus, dixitq; nouissima verba: Coloss. 1.

Magne molis opus, data quod mortalibus ultro Ioan. 10.

Gratia, quodq; opifer spectatus in arbore Serpens, Osee 13.

Et mundata lues, luc, Nex nece truxq; perempta est. Heb. 2.

Insignis pietate senex Iosephus, & auri Rom. 8.

Diues, opumq;, Arimathæis sub mœnibus ortus, Matt. 27.

Occultus, metuens Solymos, tamen affecla certus, Mar. 15.

Confisus Cælo, Regnum expectansq; Tonantis:

Audacter petijt condi venerabile corpus,

Ad caput à pedibus, cuius pars integra nulla; Luc. 23.

Hæu sanie, taboq; fluens, lacerumq; flagellis, Esaiæ 1.

Quintupliciq; patens plaga, miserabile visu.

Annuit id Preses, corpusq; dat: ille paratus Matt. 27.

Sindonis efficitur Tyriæ emptor: munda nitabant

Stamina; non eadem proles Idmonis Arachne,

D

Texuit



- Texuit, aut docta sunt talia pensa Minerva  
 Fidus adest etiam Nicodemus (venerat olim  
 Nocte, Senemq; iterum didicit potuisse renasci)  
 Non ingratus adest, miscentur Aromata centum  
 Penè libris, Mirrhæ, atque Alôes fragrantis ab Indo,  
 Atque Arabe aduecta, & nullo comparcere sumptu.  
 Tantus amor geminos rapiebat: ab arbore fixa  
 Deponunt casum, Inuoluunt artusq; supinos  
 SINDONE præsigni, anteriora teguntur eadem.  
 Atque alia haud alijs superaddita lintea desunt.  
 Non procul hortus erat, vernans plantaribus alis,  
 Consita reddebant mixtas arbusa tenebras,  
 Scrupea surgebat moles, ingensque sepulchrum,  
 Conditus illis adhuc quo non: Mirabile pondus  
 Ponitur hic, maius quo non capit hospita tellus.  
 Sed prius elatum nudarunt, SINDONE tineta  
 Tot plagis, sudore, cruore; coloribus hisce  
 Forma datur spectanda, bibunt & lintea formam.  
 Vis fuit hec cefi; mox huius inungere membra  
 De more occipiunt, palmis liniuntque cruorem,  
 Vulneraque infanda, aduerso dant oscula vultu  
 Vulneribus, lacrimas fundunt cognato hululatu.  
 Ergo Magne iaces, magnorum Maxime, sic te  
 Perfida gens, fera gens, & adultera, teq; Parentem,  
 Te Dominumq; Deumq; scidit, fixitq; fuditq;  
 Gens luet hæc penas, & qui nascentur ab illa,  
 Frendebunt trepidi, cum signa dabuntur Iongæ,  
 Moxq; domus deserta ruet, puerosq; vorabunt.  
 Tu memor at nostri Supera fac sede locemur.  
 Talibus accensi dictis, interq; querelas  
 Persistunt operi, sed quod tumor occupet artus,  
 Festinant, saxoq; tegunt, abeuntq; Nefastis

Apta



Apta paraturi, iam iam fugiente quietis  
 Tempore: Matrónale decus, sequiturq; , videtq;  
 Omnia: Oronteóq; onyces fert munere plenos  
 Quelibet, officijsq; adducto pectore certant.  
 Interea exoptata dies illuxit ab alto,  
 Tertia certa dies, rursus quæ velle reuerti  
 Dixerat, ut secum conuexa suprema reuisant  
 Sublimes animæ, rediuuq; corpora sumant,  
 Ille resurrexit, Manesq; resoluit ab Orco,  
 Saxa reuoluuntur; signacula fixa liquescunt.  
 Excubias sopor irrigat, & pavor occupat omnes:  
 Egreditur tandem Rex Diuum, hominumq; triumphans,  
 Ferreq; quem nequeunt oculi, splendore corruscat,  
 SINDONIS exuias dulcesq; reliquit in antro.  
 Qualis ubi in lucem exultans sese exerit anguis,  
 Frigora post Brumæ, cum terræ ardore debescunt,  
 Veste nouus posita, viridem repetensq; iuuentam,  
 Arduus ad Solem micat, & velut aëra tranat.  
 Postera lux vix orta, nouisq; aurora meabat  
 Lumimbus, madido gemmantes rore per herbas,  
 Magdalena redit socijs comitantibus, aurasq;  
 Humentes feriunt gemitu, dolor ima perurit;  
 Quod patefactus hiet tumulus, quod & extet inanis,  
 Ereptumq; ratè Dominum: quærentibus extra,  
 Intra etiam, Pueri soboles flamantis Olympi  
 Astabant gemini, vestes splendore renident,  
 Nix velut Alpinos apices quæ plurima texit,  
 Impubesq; genè, demissi fulguris instar,  
 Lumina perstrinxere solo inclinata trementum.  
 Audite ó primæ (Unus ait) spes discite vestras,  
 Corda pauore vacent: situs hic fuit, inde reuixit  
 Vester IESVS, apud sanctos ne hunc quærite, Regnat.

Luc. 23.

I. Corint.

15.

Coloss. 1.

Ioan. 20.

Mat. 28.

Mat. 28.

Marc. 16

Luc. 24.

Ioan. 20.

Ionç 2.

Oseç 9.

Apoc. 1.

2. Timo.

2.

D 2

Mens



- Mat. 28. Mens presaga fidem accepit, qua dixit, adimplet.  
 Ite, referte alijs; namq; ultro occurret ad oras  
 Mar. 16. Quas Galileus habet, iam haerent vestigia prima  
 Hec inter, sola ostentabant Lintea, SINDON  
 Ioan. 20. Proximiorq; cuti apparet, sudore cruento  
 Pressa, notis referens totius corporis umbras  
 Hic humero dorsum versus, pendebat utroq;  
 Occiput hic, rami manuumq; pedumq; iacebant  
 Parte alia, frons pressa patebat sentibus aspris  
 Ioan. 19. Liuida; ora, latusq; infixum vulnere crudo,  
 Pertusasq; volas clauorum, & stigmata plantis  
 Spectabant. Varium fuit author imaginis vlcus  
 Exin cuncta notant, referunt velocius Euro  
 Luc. 22. Audijt hec Petrus, lacrimis aspersus amaris,  
 Ioan. 20. Festinauit Ioannes, adamat ab illo,  
 1. Corin. Incubuit tumulo primum: simul aspicit alter:  
 15  
 Luc. 24. Omnia videre ut fuerant narrata, fidemq;  
 Adiunxere, prius qui talia credere duri  
 Ac delirantes subsannanere professas  
 Credibile est etiam, pietati conuenit alma;  
 Nec secus esse potest, non hanc esse fuisse relictam  
 Rem tanti precij, pesundata totq; trophaea  
 Conscia quae nostrae dicam vexilla Salutis  
 Sollicitè potius quin hec letissima SINDON  
 1. Tim. 2. Afferuata fuit, feruentis amoris ut arrha:  
 Dum noua Christicolae surgunt cunabula gentis,  
 Exardentq; animis populi, visq; Enthea dictat  
 Aet. 4. Spargere res pedibusq; Patrum, communia cuncta,  
 Maib. 9. Nil proprii voluisse, nec ipsi pancere vita,  
 Omnia sollicitos factis impleffe, nihilque  
 Aet. 5. Fastidisse pium, extremos nunc tangere limbos,  
 Aet. 19. Nunc umbras hominum venerariet, ipsaque Pauli

Cingula



Cingula, & indomitis sudaria poscere morbis.

Est seruus non maior hero, nihil SINDONE maius.

Hancq; penes magnos, proceresq; fuisse putandum est.

Principibus placere viris quæ rara videntur.

Rarior, & longè hæc omni Garamantide gemma,

Nlq; ab Erithreis preciosius aduenit undis,

Prodigus aut inter charissima vinctat Idaspes.

Tandem ad sublimes pietate fideq; Sabaudos

Peruenit SINDON, Cyprio Diademate Princeps

Cum Ludoicus ouat, consecratis Hymeneis.

Munere Margaridis Carnæ (Clarissima Graium

Carnæ fuit) poterat nulli traducere munus.

Dignus: Antiqua Lodoicus origine Saxo.

Inclita gens, duce qua CHRISTVM Germania nouit,

Isq; nepos Tritauum, quibus ardua stemmata liquit

Clara Rhodos, Scythio tunc libera facta Tyranno.

Stemmata, sanguineis quibus est Crux cana manipulis.

Seu Longobardo hæc manus deducere regno.

Is Proauusq; pij EMANVELIS, sanctior illo

Quo nec adest, similem Saturnia nec tulit ætas.

Ille mihi terris Deus, huic mea consecret aram

Patria: Camberie sacra munera reddidit urbi:

Et debebantur nostris hæc pignora terris.

Nos ergo incolumes seruemus tanta, nec inflent

Elatos animos, medecina negatur Hidropi.

Exornant humiles Superi, spoliantq; superbos.

Discite qualis erat, cuius monumenta tenemus,

Mitis erat, facilisq; pati, Crucis horrida passus.

Alloquor o vos electum genus (ite profani,

In dubium reuocare lubet quibus omnia certa.)

Credite vos: hæc est CHRISTI certissima SINDON,

Fingere non Zeusis scisset, non Cöus Apelles,

Ioan 13.

& 15.

Mat. 20.

Luc. 6.

Donatio

22. Mar-

ty. 1453.

Ex histo-

ria Sa-

bauda.

Mat. 23.

Phil. 2.

Nea



- Nec manus artificis cuiusquam talia posset,  
Qualia Diuinis Miracula nutibus extant.*
- Mat. 3. *Sit duris oculata fides, non lumina fallunt.*  
I. Corin. 15. *Aspicite, & vestras memores agnoscite culpas,  
Causa fuere mali, mala vestra malisq; feruntur:  
Flectite colla, solo proni colitote laborum*
- I. Tim. 1 *Reliquias veterum, effigiemq; Typumq; Tonantis*  
Exod. 20 *Sic sed ut unus adoretur Deus: Jma colendo.*
- Mat. 4. *Mens erecta Polo tendat, quo tendimus omnes.*  
Rom. 1. *Sensibus obiecta, eternos penetrare recessus,  
Ostenduntq; vias faciles, quibus itur ad astra.  
Quod superest, compellat adhuc discincta capillos:  
Religio, velutiq; suis heredibus insit.*
- Rom. *Tutelare domi dum Numen habetis, ouili*  
I. Corin. 15. *Obfirmate pedum, lupus insidiator oberrat,*  
I. Pet. 5. *Impastusq; leo rugit, manditq; voratq;*  
& 3. *Molle pecus, mutis Pastoribus usque minatur,*  
Ephes. 6. *Ne pueri, ne vos vicinia fascinet, ausa*  
4. & 5. *Omne nefas, specieq; boni scelus attrahit omne,*  
Galat. 3 *Expiscatur & hic comites, illicq; malorum.  
Discite iusta sequi, nec vos assuescite bellis.  
Aut saltem in Patrie non vertite viscera vires,*
- I. Pet. 2. *Sed vestro parete Duci, nam missus Olympo est.*  
Colos. 3. *Tuq; prior, tu magne genus quod ab Hercule ducas*  
Rom. 13. *Dux PHILIBERTE, feros deuincere perge colubros.  
Dixit: & inflexis oculis delubra petiuit.*

M D L X I I .

D E



## M I R A C V L V M D E N.

Fufina puella Gulielmi filia  
Camberiana.

Languēbat, teretes trahens lacertos,  
Et plantas fragiles, inersque corpus,  
Idque annis melioribus, puella  
Cygno candidor, niue, & ligustro,  
Sed trunco similis, sonos cicadę  
Edebat superos ad usque tractus,  
Nunc hæc Numina, nunc vocabat illa:  
Impetrata nec est salus vocanti.  
Donec SINDONIS ad locum reposta  
Se ferri, rogat impigros Parentes,  
Defertur, lachrymas, precesque fundit,  
Et suspiria faucibus profundis.  
Per CHRISTI madidas cruore plagas,  
Perque hæc humida lina de cruore,  
Per vestigia corporis cruenti,  
Quæ sunt stemmata publicæ Salutis,  
Exoptata salus leuet iacentem.  
Vix effata, mouet manus, pedesque,  
Exurgit, graditur iuuante nullo,  
Tum nubit, fit anus, Deumque laudat.

Vidi an-  
no 1533  
Maior.

## Aliud de Petro N. adolescente Romuliaco.

Pons est aditus aditissimorum,  
Cæli in flumine vorticosiore,  
Urbem ad Romulidum viam ministrans.  
Imberbis Iuuenis volans caballo,

Vidi, an-  
no 1534  
Aprilis.

Quem



Quem iumenta priora concitabant,  
 Praecepto ponte cadit, simul caballus.  
 Infelix pater, intuens periculum.  
 O SINDON sacra (clamat) o Salus  
 Pignusque, arrhaque, filium reserua.  
 Servatur, pereunte sed caballo.  
 Quid non efficit inuocata SINDON?

### Aliud de liberatis Dæmoniâcis.

vidi.

2535. Infandum: Stygia viros cateruæ

Maio.

Torquebant aliquot, furore duros  
 Accedunt, hululatus fremendis,  
 Torui lumina, colla protrahentes  
 Vincti brachia ferreis cathenis,  
 Non viles, licet hi viri miselli.  
 Cum spectanda datur sub urbe SINDON  
 Turba prata per ima demoranti.  
 Ut mox suspiciunt, cohors nephanda  
 Exclamat, Deitas adest, abimus.  
 Fit fulgor, nebulas vomit Mephitis,  
 Erumpunt per inane, liberosque  
 Dimittunt miseros, deinde faustos,  
 Et non creditis Impij? crepetis.



AP.



## A P P E N D I X

*De Muti miraculo.*

**D**V M scribendi finem facio, styium iterum rei nouo miraculo adducor sumere. Quod vidi, quod domi gestum est, quod tota nouit vicinia, Id vnum testor ego, nec subticere possum, aut debeo. Anno superiore mutum quendā Philiberta vxor in villa Spinetea nostra, agri Taurinensis alendum fouendumq; commiseratione ducta susceperat. Is quinquennio antea ostiatim victum queritabat, nutu, & articulorum signis animi sensa, non voce aliqua exprimere poterat, nisi quod sicuti bruta vlularet, lingua in globum contracta, mādenti etiam officium negabat, atq; iniectis in os digitis, tritū dentibus cibum in fauces demittere cogeatur. Miserandus certē adolescens. Ceterum ad operas non impiger, frugi, fidus, amabilis, acri memoria, nec tardo ingenio, & ad pietatem procliuui. Quid accidit? Nuper cum Dux Emanuel monitos quos cunq; per Præconem ad vrbis compita, tubis resonantibus voluisset, vt ad spectandā SINDONEM statis diebus pararentur, ieiuniorum, orationum, elemosinarum beneficio, noxarū deniq; expiatione; Ipse quoq; (vt Patrē familias decet) & vxor, domesticos ad id ipsum sumus exhortati. Muto imprimis varia exēpla adducta sunt, quibus loquendi facultas Diuini Numinis virtute, (cuius certissima vestigia in SINDONE refulgent) est restituta. Idq; superioribus annis Burgundæ virgini nobilissimæ, Camberij in ipso SINDONIS aspectu feliciter obtigisse adferebatur. Ille vero hæc secum ita agit, vt exactis aliquot post diebus, tandem summo mane, qui dies v. Calen. Nouemb. septuagesimo octauo de villa redit, iam non mutus, mirantibus nobis fatur, & palam genibus inclinatus, gratias Deo agit, Sanctāq; CHRISTI

E

SIN-



SINDONEM laudibus extollit, quam quinquies vidisse se, ad quinq; vulnerum CHRISTO illatorum memoriam affirmat, & ieiunia quędam, quoad vixerit, Deo vouisse. Atq; cum ieiunare cępisset, p̄cedente nocte, somno profundo excitatum, dissolutam sibi linguam, cum cruoris effusione, cruentum os vbi aqua abluit, IESVM CHRISTVM exclamauisse, CHRISTIQ; SINDONEM, atq; ita sospitem redditum fuisse. De singulis, à nobis rogatus certiores nos facit, Baptistam se vocari, Charij oppido natum, Patre Michaele obscuro genere, matris nomen ignorare, & ijs iamdiu orbatum, decimum octauum annum attingere, vt ex aspectu dignoscitur, sex ab hinc annis non fuisse loquutum, inuadente quodam morbo, siue Mage cuiusdam malis artibus contigerit: linguam nunc explicatam profert, nulla nodi aut cicatricis apparent vestigia, nec ad mansum vllis ultra opus est dactilis, Et (vt paucis) quod prius apud homines desperatum fuerat, p̄sens Dei Maximi summo munere, remedium adeptus fuisse cernitur.

*De Baptista muto, virtute Sancta Christi SINDONIS  
loquellam adepto. Mich. Gass.  
Beltrani Lusitani.*

**R**EGNAT, ño, regnat (Solyme ferarumpere) CHRISTVS  
Nec dubijs in rebus opem negat. Ecce nefandis  
Cladibus ereptus sextę post frigora Brumę,  
Ora sono, vt quondam liber Baptista resoluit.  
Ambiguus nec sensa notis, digitoq; loquaci  
Tristis vt ante docet. Miseros ope scilicet AEther  
Subleuat, abiectosq; animi. Letare verenda  
Christiadiũ, letare manus, non ista venenum,  
AEmonięq; artes, quę nil nisi funus, & egros

*Angores*



Angores, Furiarq; Valent inducere rebus  
 Humanis, ostenta mouent. Natiq; Patrisq;  
 Dextera, quique prius quàm menstrua Luna nouaret  
 Vultus, quàm radians Hyperiona cingeret arcus,  
 Spiritus undantum cumulos super ibat aquarum,  
 Hec agit, hec tristi mittit solatia Mundo  
 (Ceu toties) Superum testatus ab æthere textum  
 Funeris exuias victi, nostræq; Salutis  
 Certum, horrendum, ingens monumentum. O' terq;, quaterq;  
 Felices, quos præsidio pietatis in omnes  
 Alma Fides casus stabili munivit. Egenos  
 Deseret auxilij nunquam indulgentia Cæli.  
 Sed, quid, Liuor edax, mendaces carminis usus  
 Obijcis? & ficti numero mea verba reponis?  
 Non mihi cura Ithacis includere pellibus Euros,  
 Non canibus Scyllam circumuallare Marinis.  
 Casurosq; breui per mutua vulnera fratres  
 Tollere viperei de semine dentis, & atro  
 Cerberon, & rictus Furiarum umbrare Chelydro.  
 Ah pereant quicunq; ornant mendacia dictis,  
 Et figmenta probant. nec saxum Sisyphon urget  
 Nec Tityon septem prostratum in iugera terre  
 Tundit auis: media nec Tantalus aret in unda,  
 Huc geminas tamen adde acies, iterumq; voluta,  
 Arcana excussis latè Diuina tenebris  
 Inuenies: sed tu stolido, ceu Simius, ore  
 Delibas fœtus extrema putamina, fellisq;  
 Offensus specie, nuclei miracula cæci,  
 Hyblais potiora fauis exquirere nescis.  
 Nec labor est validam (ut mussas) defendere causam,  
 Quæ nihil auxilij, nil est opis indiga. priscos  
 Aspergunt maculis commenta infamibus, esto.



VERA canunt nostri, quid Thesbius edidit ardor?  
 Iessei quid pleetra sonant sublimia Regis?  
 Quid pia Sedulij Clio? quid clara Iuenci?  
 (Ut mihi Parthenopes laus, ut mihi fama Crémone  
 Pratermissa abeat, nostrisq; indicta Camcenis)  
 Tibia, quam summi resonant facta inclyta CHRISTI,  
 Mi quoq; si Romæ componere fas sit Hypæpas  
 Noster Idumæ Iōannes præmia palmæ  
 Deferet, & socio victor dignabor honore,  
 Perq; virum latè celebris ferar ora: videbis  
 Cœlestem infelix, intabescasque videndo,  
 Nec poteris nostram Liur corrumpere famam.  
 Interea Vanas Erato secludere curas  
 Incipe, & Astrigerum paulatim ascendere culmen.  
 Utque licet, veris imple rumoribus orbem;  
 Inflammaque animos vitæ melioris amore.  
 Non tamen athereis toties incredula iussis.  
 (Sit quamuis amor omnigenas accersere gentes)  
 Te, Iudæa, vocem: quis enim tot pressa tenebris  
 Pectora, quasque Dei soboles non dispulit umbras,  
 Illustrare velit? vos ò quibus integer equi  
 Ardor, quos veluti priuatam in secula sortem.  
 Perfidiam exosus Solymæam elegit Olympi  
 Regnator; vos, si meriti venerabile CHRISTI  
 Nomen, ad insignis spoliū properate triumphi.  
 Et vestri effigie Ducis insignita, pijsque  
 Lintea diffusi maculis aspersa cruoris  
 Suspicite, & totas lachrymarum effudite habenas.  
 Dives inopsuè suat, nullo discrimine Iustus  
 Rector habet. pulsate fores Pietatis, & agrè  
 Auxilium clamate animæ, potiora rogatis,  
 (Non ignota cano) voto uberiora feretis.

Siue



Sine quis infestis Erebi male saucius armis  
 Ingemis, obscuraque acies, & luminis orbes  
 Caligant, aurisque lues, inimica reclusit,  
 Seu laeso pulmone perit, seu faucibus ipsis  
 Interclusum heret murmur: cumulabere donis  
 Optatis, ne quid dubita, cumulabere donis.  
 Cernis, ut amissus (nec enim mihi ferre sub auras  
 Fas credam, quot, ut ætherei decora ardua Lini  
 Dideret, ostentis Pater orbem impleuerit) errat  
 Ore sonus pueri nuper, canis instar hyantis?  
 Sic est? an falsa iactamur imagine? sic est.  
 Vidimus, heu, quoties stricta retinacula lingue:  
 Conantisque loqui, vanescere murmur in ore,  
 Latratuque sonum velut edere: nec semel offam,  
 Officium renuente suum concedere lingua,  
 Impulsam digitis (miserum) demisit in aluum.  
 Tot guttur labes oppresserat impia damnis.  
 Nec mihi erede, vide tu quas ferit ille loquellas,  
 Quos iacit ore sonos, oris qui vincula nosti.  
 Nam quis Pingonios hac ciuis in urbe Penates  
 Nesciat? his Vocis priuatus munere ephæbus  
 Successit: vidistis enim, tactique dolore  
 (Credere seu dignum est) sortem gemuistis iniquam.  
 Nec præbendum aures (moneo) quos obsita nube  
 Pectora Cymmeria impellunt illustra Olympi  
 Facta Panomphæi (minime quasi corpus aristæ  
 Numinis iniussu rapiat Notus) addere sorti,  
 Non grates agere authori, quid debile vulgus?  
 Quid Casum, Sortemque vocas? iam nulla profecto,  
 Si nihil & vanum colimus, pro Numine, nomen,  
 Regnat in orbe Fides, si quod modo vidimus, audet  
 Detrahere inuidia virus, Geniumq; reuoluens,

Ne-



Nescio quem, tenebras offundere nititur orbi,  
 Qui Domini tot facta oculis incognita nostris  
 Credat, & humanos latè superantia sensus?  
 Vos igitur, seu cura Poli, seu muneris huius  
 Tangit honos, properate Pij, nec somnia Vani  
 Vos capiant animi, Fidei parere monenti  
 Discite, nec rerum cecas euoluere causas  
 Querite, Romanae fulti virtute columnæ.  
 Tu quoque Taurina, EMANVEL, decus addite famæ,  
 Quem noua Maiorum sebeuntem exorsa, precatur  
 Aeternum sibi terra Ducem, venerabile serua  
 Munus, & exemplis, quibus hæc Domus una redundans,  
 Ante alias totum radios effundit in orbem  
 Innixus, Patriæ obseruans vestigia, laudem  
 Ut facis, acquiras, pariter pietate, vel armis.

De eodem muto epigramma.

Texta triumphantis Pingonius Enthea CHRISTI  
 Cæperat historicis concelebrare modis:  
 En loquitur famulus, modo mutus. Scilicet æquum,  
 Conditor hæc veri munera ferret, erat.

In sacram CHRISTI SINDONEM ode  
 Math. B. Sebusiani.

Intimum cordis penetrabile pulsat  
 Vis ab excelsa mihi fusa cælo,  
 Igneos subdens stimulos, furoris  
 Signa beati.

Tu meis SINDON habitas medullis,  
 Nobilis SINDON, sacra membra CHRISTI  
 Digna velare, & precij cruenti  
 Condere pondus.

Nec satis, famam patulum per orbem

Dis-



*Dissipas miram, properante gressu.*

*Mutus accedit, recipitque capta*

*Munera lingua.*

*Vidit hoc Pingon memorandus Heros*

*Atque Taurinum, pia gens profusis*

*Hæsit, admirans lachrymis, notata*

*Sanguine Lina.*

*O' decus magnum Patriæ, quis Orbe*

*Non ab extremo celerare passus*

*Optet, ut CHRISTI liceat verendos*

*Cernere vultus?*

*Si pigros Mundi colerem recessus,*

*Quos videt nullus neque flectit æstus,*

*Sive sub Phœbi recalente curru,*

*Ipsæ venirem.*

*SINDONEM quam nunc licet intueri*

*Infimis terris, videamus omnes*

*Viuis tantem radijs, perennes*

*Orbe superno.*

#### Hymnus antiquus de S I N D O N E.

*O Iubar nostræ specimen Salutis,*

*Omnibus qui te venerando credunt,*

*Et scelus purgant, lachrymisque dura*

*Pectora tundunt.*

*Reddis heu CHRISTI effigiem cruenti,*

*Ecce præsentem, penitusque fractum*

*Cernimus totum, caput, atque corpus*

*Proh dolor ipsum.*

*Scimus, hoc nostrum meruisse crimen,*

*Nos sumus causæ, fateamur ipsi.*

*CHRISTE sed nobis miserando parce,*

*Parce precamur.*

SIN-



SINDONEM sacram colimus redempti,

Quæ pium corpus, simul & cruenta

Membra contextit, redeunt ab almo

Cuncta Sepulchro.

Laus, honor, CHRISTO, decus & triumphus,

Qui suæ nobis documenta mortis

Liquit indignis, miserans precamur,

Saluet ut omnes.

Pandulphi Sfondrati Cremonen.

Supra Nature vires Mantile tot annos

Stemma quis impressum posse referre putet?

Mens Princeps, vllas non cognoscenda per artes,

Quæ fuit, est, & erit, quod iubet ut sit, id est.

Ambr. Olerij Casalen.

Cur mirè facies Dei cruenta

Obligua appareat, videto multum:

CHRISTI corpus habet sacrata SINDON,

Multo sanguine quod refert latenter.

Quod recto intuitu, nihil videbis.

Id causæ reputa precor viator,

Nostri crimina, & inquinata facta.

Is recto intuitu potest videre

Tantum, qui potuit creare cælum.

Te fusus cruor heu mouere debet:

Ut Cælum cupias tibi paratum.

Peccator reputa subinde tecum,

Quàm sanctè admoneat scelus fugare,

Infelix nisi propriæ Salutis

Tu saltem fueris memor videndo.

Infelix nisi Patriam Deorum

In mentem reuoces, ut inueharis.

RVGE.



SINDON  
R V G E R I I T R I T O N I I

F O R O I V L I E N S I S .

**A** Vsim te mexitis tollere laudibus ?  
Te dignis modulis , carmine , te lyra ,  
Vllis te fidibus concelebrem , Sacro

S I N D O N splendida lumine ?

Non tu digna tuis tangere nexibus ,  
Non vixisse tuo digna ligamine ,  
Vel fouisse etiam diceris integrum

C H R I S T I corpus amabile ?

Hinc qui noxa hominum tot mala sanguine  
Lauit , qui moriens fortiter obruit  
Mortem , perpetuò sanguineam sui  
In te fixit imaginem .

Quis te nunc igitur non colat , ut Deum  
Ipsam , nonuè adeat , dum retines Dei  
Impressam effigiem , quam neq; Sydera ,  
Ipsi nec referunt Poli ?

Sed iam Sacra facit , iam litat inclitus  
Princeps Allobrogum C A R O L V S ; Obsecro ,  
Sic per te vigeat Nestoreos dies  
Pulsis longius hostibus .

F R A N C I S C I F E R R E R I I A N C H I S A E

T A V R I N E N S I S .

**Q** V I D primum , sacra , aut postremum in S I N D O N E mirer ?  
An Cœli Regis vultum , traiecta q; telo  
Pectora , transfixas clavis palmasque , pedesque  
Ostendi , & fusum per vulnera dira cruorem ?  
Quæ nec Apellæ artifices , neque finxit Arachne ,

F

Sed



Sed peplo obductum Regis miserabile corpus ;  
 Reddidit hæc simulacra sui ; tunc sanguinis atræ  
 Fluxerunt guttæ , aternùm quas Lintea seruant :  
 Ut foret in terris , omnes , Veneranda per annos ,  
 Cælestis , vera effigies , atque unica , Regis .  
 An longe quòd spectanti mihi cuncta pateſcunt ,  
 At propius figenti acies , obſcura recedunt ?  
 Ac velut increpitant , quòd nos ratione ſagaci  
 Scrutari , noſtroque modo Cæleſtia facta  
 Metiri , atque Deum contingere lumine claro  
 Conemur , non ac potius fateamur homulli ,  
 Quæ ſupra noſtras vires , artemq; videntur ,  
 Diuino facilè arbitrio fieri omnia poſſe ,  
 Atque ea ſuppliciter veneremur munera Diuini ?  
 Carbaceam quid materiem , ac tenuiſſima lina  
 Tantum cui ſuperaffe , & adhuc firmiſſima dicam ,  
 Nec quiſſe aut flammis aboleri , aut æquore mergi ?  
 Nec furto tolli , aut violari hoſtilibus armis ;  
 Et quoties noſtris , ac tota huc Orbe profectis ,  
 Dum flentes manibus paſſis , & poplite adorant  
 Submiſſo CHRISTI exuvias , ac Numen in illis ,  
 Vota impleta ? palam eſt , & lumina reddita captis ,  
 Et florem , deploratis , roburque inuenta ,  
 Et quæ præterea , Clari Pingonis Alumnus  
 Eloquio florens , intexit plurima chartis .  
 Vera Dei proles , Deus ipſe , atq; unica Mundi  
 Lux animis iter ad Cæleſtia limina monſtrans ,  
 Qui iuſto , iniuſtis peperisti ſanguine vitam ,  
 Qui infanda hæc monumenta necis , monumenta laborum ,  
 Atque tui pariter monumenta , & pignora amoris  
 Liquiſti , & Ducibus voluiſti eadem eſſe Sabaudis  
 Propria dona , quibus tantum , tibi credere viſum eſt .

Aspice



Aspice quàm toto tibi seruit pectore CARLVS  
 E MANVEL, quaq; id munus pietatè tuetur;  
 Da iuueni longamq; diem, sobolemq; , decusq; ,  
 Hancq; tuis regere auspicijs fœliciter urbem,  
 Auertens diramq; luem, bellumq; , famemq; .

Mam. G. M. A. F.

**V**EXILLVM augustum salue, quod quinq; decorum  
 Vulneribus, certam nobis portendis, *Scias*,  
 Purpura Diuino salue suffusa cruore,  
 Sacrata exuuia, spolia & ditissima CHRISTI,  
 Ingentis terris ingentia pignora amoris,  
 Atque æterna suæ mundo monumenta Salutis  
 Saluete: hanc CHRISTVS cœlesti sanguine pictam,  
 Imbutamque suo tabulam cecinisse videtur,  
 Dum se nobiscum per sæcula cuncta futurum  
 Edixit: meliore sui nam parte superstes  
 Nobiscum in terris, sacraq; in SINDONE uiuit.  
 Cumque olim lapsum in cineres exhauserit orbem  
 Ignis funereus, legio selecta Piorum  
 Horrendi sistet se Iudicis ante tribunal  
 Tuta sub auspicijs, atque omine SINDONIS alma,  
 Et sancti canet æternum præconia Pepli.

Philiberti A Coysia Camberiensis.

**O**SINDON celebris, Telaq; splendida,  
 Nobis diuitijs carior Indicis;  
 Quam pennata Poli syderei canens  
 Cingit perpetuò cohors.  
 Fortunata, tibi tangere, condere

F 2

Artus



Artus ambrosios contigit, & sacro  
Tingi cœlituum sanguine Principis,

Et formam accipere illius.

In te membra palam, captaque vulnera  
Apparent: facies passa nefarios  
Apparet colaphos, candidior prius

Vel Cygno, niue, lilio.

Apparet vepribus cineta rubentibus  
Cervix, purpureis sparsaq; riuulix  
Dives Cæsaries, barbaq; nobilis

Auro fulgidior prius.

Apparent humeri verbera faucij,  
Et pectus lacerum, brachia, erus, femur,  
Transfixique pedes, & tenera manus,

Perfossūq; latus sacrum.

Te Tybris sitit, atque Eridanus colit,  
Rhenique, & Rhodani flexilis accola  
Visunt, & Ligeris dulcis, & Adria,

Potorque auriferi Tagi.

Te Reges nitidi, te quoque Cæsares  
Scepbris depositis, & Diademate,  
Elatisque animis, sedulo visitant,

Magna cum reuerentia.

Ad te confugiunt capti oculis, fera  
Vexati podagra, febreque tabidi,  
Implorant & opem suppliciter tuam

Errantesq; mari horrido.

Audis, nec renuis: mortis ab atrio  
Accitos patriæ restituis preci,  
Aestus pestiferos, & ravidam famem

Arces, das pluuiam satis

Infernas acies corporibus fugas,



Os mutis aperis, innocuos fones,  
Morboſosque leuas, ac ſimul eripis

Omni Dia periculo.

Nonne incredulitas territa perditur?

Quid? nonne Impius, ut te aſpicit, obſtupet?

Infantes veluti cum tonitrum audiunt?

Tantum robur ineſt tibi.

Heus, hic Numen adeſt? Thura fragrantia,

Myrrhamq; Aſſyriam ſpargite, in athera

Multus ſpiret odor, iungite odoribus

Fuſas mente preces pia.

O vera Effigies Calicolum Dei

Adſis Effigies Maxima, ſub tuum

Nobis preſidium conſugientibus,

Noſtrasq; aſpice res fauens.

## I. A. VC.

**I**Esus Almi certa fides Patris

Alti, relictis ſedibus atheris,

(Vis tanta amoris) venit ultro

Viſere terrigenas iacentes,

Captosque ceco Tartarei videns

Serpentis aſtu, quos gemitus dedit?

Quid corde non hauſit doloris?

Corpore non ſubiit pericli?

Vix eſt ſacrata Virginis auree

Inſignis aluo prodierat Puer,

Repente dementis Tyranni.

Dira ſola fugit arma verſo.

Exinde duris uſque laboribus

Certare miro robore geſtiit,

Quot



Quot ille pugnans saeva in ipsis  
 Vulnera vulneribus recepit ?  
 Hec quo columnam carmine prosequar,  
 Caputque acutis sentibus oblitum ?  
 Quo flagra tandem, purpureae  
 Ludibrium memorabo versu ?  
 Maiores restant ; verum animus labat  
 Mœrore fractus ; en tibi SINDONE  
 In sacra, acres, seuique casus  
 Purpureo varij cruore.  
 Insultet ergo Bellua centiceps  
 Quantumque possit perstrepat impius  
 Iudeus, & cæco furore  
 Hæreticus furiat protervus.  
 Tu spem reduces mentibus anxijis  
 Quæ es sacra terris ( creditur ) arduis  
 Cuique Plebs optat decenter  
 Festa pijs celebrare votis.

## Eiusdem, Enigma.

Non sum, quod fueram, fueram quod sum, tamen esse  
 Quod poteram, non sum, sumq; , quod haud poteram.  
 Sum, non sum ; possum, non possum ; moxque futurus  
 Quod fueram, nec ero, nec fore non potero.  
 De Vrbe Camb. ad Ducem.  
 Vrbs tua clara fuit, sed nunc clarissima porro est,  
 Hac adeo clara, SINDONIS effigie.  
 Non Cælo inuideat, Cælum sælicius ullum  
 Haud videat, quàm quod SINDONIS Ora beant.  
 Sydera, Luna, Deus, Cælestia Lumine replent,  
 En tibi in effigie hac, Sydera, Luna Deus.

M A-



SINDON  
MARI PETRI PINGONII

47

Fr. quondam Nantuacen. Pr.

CONDIDIT certis monumenta veri  
Mysticis signis Opifex Supernus :

Liquit hac tandem referata certæ

Signa Salutis.

Nonne Ioseph tunicam rubentem

Præbitam Iacob perhibent ocellis ?

Gen. 37.

Luxit, hunc tanquam Fera deuorasset :

Ast cruor hædi.

Pallio vertex Elie reiectus,

Cum pios vulgus iacularet armis :

3. Reg.

Pallij virtus, populos domauit,

19.

Regibus unctis

Eestibus Samson, spolijsq; donat

Conscios vates, quibus obsecutus,

Iudic. 14.

Vir fidem seruat facilis, tamen

Fraude petitus.

Hæc eum tendunt, Genitum Tonantis

Deprimi terris, lacerumque tolli.

Liur o cæcus, dolus & suorum,

Quosque redemit.

Hic Iosephi gerit innocentis

Ut typum, gestis Eliam præiuit,

Ut refert CHRISTVM tua dextra Samson,

Cuncta potentem.

Quanta in ingratos Bonitas refusa.

Testis est SINDON maculata plagis.

Sed Pij SINDON eris ex trophæo

Numinis instar.

BE-



MARII PETRI PINGONII  
BEROLDI PINGONII FIL.

**H**AEC est indubitata veré imago,

Nullis ficta coloribus, manuue.

Sed quæ congelata, glutinata,

Ac si sponte sua, siue arte fulgens,

De sudore, cruore, de flagellis,

Et de sentibus in caput reflexis:

Quini conscia vulneris (Nephandum)

Quæ CHRISTVS Deus, atque Homo pudenter,

In vili Cruce, ferre non refugit,

Uno, proque Homine à Deo reiecto,

Hac quæ cuncta refert verenda SINDONE

Nunquam quisquàm hominum refertur usquàm

Hoc immane genus necis subisse,

Quem post SINDONE conderet superstes.

Non ad SINDONIS emulatiqñem,

Tam crudele nephas patrasset ullus.

Exemplo sine, CHRISTVS vnus, ille est

Passus talia, SINDONI inuolutus.

SINDON vna igitur sit hac, necessum est.





## EXEMPLAR BULLAE

I V L I I . PP.

**I**VLIVS Episcopus servus servorum Dei, ad perpetuam rei memoriam. Romanus Pontifex ad Apostolicę dignitatis apicem, sacramq; Petri sedem Divina dispositione vocatus. Salubria vota fideiũ, presertim Nobilium, sibi, & eidem sedi deuotorum, ex quibus immensa Dei miseratio super filios hominum, qui cum illi ex peccato primi Parentis captiui tenebantur sub lege mortis, & damnationis, mirabiliter altitudo Diuini consilij disposuit, vt filius Patris vnigenitus, in eadem substantia sibi coequalis, & eternus formam serui acciperet, & pro nobis languores & dolores nostros perferret in corpore suo, tanta dilectione, tantaq; magnitudinẽ amoris, iustis pro iniustis consiliatus, flagella, vulnera, spinas, contumelias sustinens, ligno Crucis affigeretur, sanguinem proprium effundens, factus obediens usque ad mortẽ: Ne sanguinis aspersiois, ac vulnerum, & dolorum, quę pro nostra redemptione sustinuit: tantiq; beneficij CHRISTI fideles, à Tartareis faucibus liberati, immemores videantur: cum pia compassione lachrimarum dignis laudibus recolitur. locaq; in quibus pretiosus, & verus ipsius CHRISTI sanguis, & imago conspicitur venerentur: ac gloriosa virgo MARIA, eius genitrix, quę pro peccatoribus sedulo, filio suo preces effundit, glorificetur: pro fidelium predictorum animarum salute, ad exauditionis gratiam libenter admittit, & ijs quę propterea per religiosas, & alias Ecclesiasticas personas ipsorum Nobilium ordinatione, ad ipsius Dei laudem, & gloriam facta fuisse dicuntur, libenter, cum ab eo postulatur, Apostolici adijcit muniminis firmitatem, ac statuit, & ordinat, prout in Domino cõspicit salubri-

G ter



ter expedire. Sanè exhibita nobis nuper pro parte dilecti filij, Nobilis viri Caroli Ducis, & dilectę in CHRISTO filię nobilis mulieris Claudię, quondam Philippi Ducis Sabaudię relicte, Ducissę, & eiusdem Caroli matris petitio, cõtinebat. Quod ipsi ad singularem, quem ad Ecclesiam, (Capellam sanctam nũcupatam, castri Camberiaci, Ducatus Sabaudię Grõnopolitanę. Dioc. quàm aliàs fęlicis record. Paulus PP. II. in Collegiatam erexit, & deinde pię mem. Sixtus PP. III. predecessores nostri, voluerũt Capellam sanctã appellari.) Ipsi gerunt, prout eorum antecessores Sabaudię Duces gesserunt, deuotionis affectum: maximè ob pręclarissimam SINDONEM, in qua ipsę Dominus noster IESVS CHRISTVS in monumento positus, inuolutus fuit, & quę in quadam capsula argentea honorificè, & deuotè conseruatur, in qua, (prout idem Sixtus prędecessor, in quodam tractatu, quem composuit de ipso sanguine,) affirmat quod ipsius IESV CHRISTI verus sanguis, & imago conspiciantur, & ad quam, ob tantę reliquię deuotionem & venerationẽ, pręsertim diebus quibus ipsa SINDON ostenditur, ac miracula quę in die inibi altissimus circa fideles ipsos pręfatę SINDONIS deuotos operatur, fidelium prędictorum multitudo confluit, solennitatem & officium ipsius SINDONIS per certos religiosos, aut alias Ecclesiasticas personas cum Missa, lectionibus, capitulis, versiculis, responsorijs, hymnis, & orationibus congruentibus & deuotis ordinari fecerunt, ac dilecti filij Decanus & Capitulum dictę Ecclesię, etiam pia deuotione ducti statuerunt, quod diebus Sabbati officium beatę Marię Virginis, prout in Ecclesia sanctę Marię maioris de Vrbe celebratur, in ipsa Ecclesia, Capella Sancta nuncupata, solenniter pro Diuino officio celebretur. prout in ipsius officij SINDONIS ordinatione, quam in Cancellaria Apostolica diligenter inspicere, & omisiss signis, ac caracteribus de verbo ad



ad verbum presentibus inferi fecimus; continetur, & in statuto, & ordinatione Decani, & Capituli prædictorum plenius diei contineri. Quare pro parte Ducis, & Ducissæ prædictis nobis fuit humiliter supplicatum, ut ordinationi officij S I N D O N I S, diurni & nocturni, cum ipsius Missa, lectionibus, versiculis, responsorijs, capitulis, & orationibus suis, & alijs in eo contentis, necnon statuto, & ordinationi Decani, & Capituli prædictorum, pro illorum subsistentia firmiori, robur Apostolicæ cōfirmationis adijcere, dictamq; Ecclesiam, Capellam sanctam, sanctæ S I N D O N I S nuncupari debere, Solennitatemq; seu festum dictæ Sanctæ S I N D O N I S in crastinum festivitatis Inventionis Sanctæ Crucis: illiusq; officium prædictum, ab omnibus & singulis subditis dicti Ducis celebrandum fore, statuere, & ordinare: aliasq; in præmissis opportune providere de benignitate Apostolica digneremur. Nos igitur Sacri Apostolatus ministerio, licet immeriti, Superna dispositione præsidentes: attēdentes quod si sanctam Crucem, in qua ipse D. noster IESVS CHRISTVS pependit, & per quam redempti sumus; adoramus, & veneramur, dignum profecto videtur, & debitum, ipsam S I N D O N E M, in qua reliquie humanitatis CHRISTI, quam Diuinitas sibi copulauerat, videlicet, ipsius veri sanguinis, ut præfertur, manifesta conspiciantur, venerari, & adorare debere. Cupientes Diuinum cultum ubiq; vigere, & augere, fidelesq; ipsos, quos idem D. noster IESVS CHRISTVS in sanguine suo lauit, suo redemptori, eiusq; gloriosæ genitrici, celebri festiuitate, in veneratione gratias, & laudes agere. Huiusmodi supplicationibus inclinati, ordinationem officij præfatæ S I N D O N I S, diurni & nocturni, cum eius Missa, lectionibus, versiculis, responsorijs, capitulis, orationibus, & alijs in ea contentis, ac statutū & ordinationē celebrationis officij beatæ MARIE Virginis, Decani, & Capituli prædictorum, approbamus, &



confirmamus: & presentis scripti preconio cōmunimus: sup-  
 plentes omnes, & singulos defectus, si qui forsan interue-  
 nerint in eisdem. Et nihilominus Ecclesiā prefatā Capellam  
 sanctam sanctę SINDONIS nuncupari, solemnitatēq; , seu fe-  
 stum prefatę sanctę SINDONIS, in crastinum festiuitatis In-  
 uentionis Sanctę Crucis, ipsiusq; officium prædictū, ab om-  
 nibus & singulis subditis dicti Ducis, fore celebrandum sta-  
 tuimus, & ordinamus. Non obstan. constitutionib. & ordi-  
 nationib. Apostolicis, ceterisq; contrarijs quibuscunq;. Te-  
 nor vero officij sanctę SINDONIS IESV CHRISTI. Ad Vesperas,  
 supra Psalmos, Antiphona, Gaude felix leta Sabaudia,  
 SINDONIS dabis mundo gaudia. Gaude tota mater Ecclesia,  
 nouę laudis agens solennia, Alleluya. Ceterę Antiphonę  
 accipiuntur in Laudibus. Psalmi Vesperorū. Credidi ad Do-  
 minum. Eripe me domine. Clamaui voce mea, Capitulum.  
 Acceperunt Ioseph, & Nicodemus corpus IESV, & liga-  
 uerunt illud linteis, cum aromatibus, sicut mos est Iudeis  
 sepelire. Deo gratias. Hymnus. Gaude mater ecclesia, letam  
 agens memoriam, quę SINDONIS solennia, mittis ad Cęli  
 curiam. Ioseph relicto palio, liber fugit, noua arte derelicto  
 iam linteo, CHRISTVS surrexit a morte. Aurum in petra la-  
 tuit, vt Sol fulgens sub modio, CHRISTVS iacuit triduo, sic  
 inuolutus SINDONE. lectus regis Salomonis, Cella plena  
 aromatum, vellus fufum Gedeonis, hortus clausus carisma-  
 tum. Tempore Paschali. Quęsumus auctor omniū. Tempore  
 Ascensionis. Memento nostrum. Vers. In hac sancta SINDONE  
 adoramus te Domine, Alleluya. Resp. Tuam glo-  
 riosam recolimus passionem, Alleluya. Ad Magnificat. Pon-  
 tifex sacerdos maximus, super cuius caput fufum est vnctio-  
 nis oleum, & cuius manus in Sacerdotio consecratę sunt, ve-  
 stitus est sanctis vestibus, Allel. Oꝛo. Omnipotens sempiter-  
 ne Deus, qui in memoriam passionis vnigeniti filij tui, sanctā  
 eius



eius SINDONEM, cum expressa ipsius effigie, venerandam reliquisti in terris, tribue quæsumus nobis, vt per virtutem eiusdem sanctæ SINDONIS, faciem tuam contemplari mereamur in coelis; Per eundem dominū. Ad matutinas, Inuitatorium. CHRISTVM regem, in sepulcro inuolutum SINDONE, Venite adoremus, Alleluya. ps. Venite. Hymnus, vt in Vesperis, Gaude mater. In primo nocturno, Antiphona. Rebecca colli Iacob, nuda contextit, virgo filium pannis Inuoluit. Alleluya. ps. Cum inuocarem. Antiphona, Rahab sub ligno explorantes abscondit: plebs fidelis CHRISTI effigiem linteo impressam suscepit. Allel. ps. Domine quis habitabit. Antiphona, Samuel accinctus Ephod, linteo ante faciem Domini ministrabat. CHRISTVS præcinctus linteo discipulorum pedes lauabat. Alleluya. ps. Conserua me. Vers. In hac sancta SINDONE adoramus te domine. Allel. Resp. Tuā gloriosam recolimus passionem, allel. Sanctus Thomas de Aquino, super quatuor Euangelistis, ex Varijs ecclesiæ Sacris doctoribus, lectio prima. Postq̃ Euangelista Matheus (vt glosa ait) retulit ordinē Dominicę passionis, & mortē: nunc agit de eius sepultura, dicens. Cū autē vespere factū esset, venit homo quidā diues ab Arimathia, nomine Ioseph, qui & ipse discipulus erat IESU. Vt autem Rhemigius super Matheum ait, Arimathia ipsa est Ciuitas Samuelis, quæ sita est in regione Chanamanea, iuxta Diespolim, quæ secundum Hieronymum super Marcum, interpretatur, deponens. De qua fuit Ioseph, qui venit ad deponendū corpus CHRISTI de Cruce, hic autem, teste Rhemigio, secundum Seculi statum, magnę fuit dignitatis, sed multo maioris meriti apud Deum fuisse, laudatur, Si quidem iustus fuisse describitur. Decebat quippe eum talem existere, qui corpus Domini sepeliret, quātus per iustitiam meritorum dignus esset tali officio. Et secundum Bedam, super Marcum. per nobilitatem



ratem potentia Secularis, facultatem posset obtinere ministrandi. Ideo dicitur q̄ erat nobilis Decurio, expectans regnum Dei. Decurio autem vocatur, quia sit de ordine Curie, & officium Curie administraret. Nō enim quilibet ignotus, aut mediocris, ad Præsidentē Romanæ potestatis accedere poterat, & Crucifixi corpus impetrare. Vt autē in alio Evangelio ait Hieronymus. Ioseph iste Boulites appellatur, id est consiliarius, siue vir magni consilij, quia non acquieuit Iudeorum prauo consilio, de quo quidem putant primum Psalmum fuisse compositum. Beatus vir qui non abiit in cōsilio impiorum. Tu autem Domine. Resp. Mulier sapiens operata est opere manuum suarum, digiti eius apprehenderunt fusum, Sindonem fecit, & vendidit. Allel. Vers. Hanc iustus Ioseph ab Arimathia, mercatus est SINDONEM, quam fecit. Lectio secunda. Marcus, prouide in Euangelio ait Ioseph autem mercatus est SINDONEM, & deponēs eum inuoluit in SINDONE. Super quē Hieronymus, in Omelia ait, Pretiosum corpus, pretiose sepeliens, cum esset discipulus Domini, sciebat qualiter corpus Domini honorari deberet. Idem vero super Marcum: Ex simplici sepultura Domini, Ambitio diuitū condemnatur, qui nec in tumulis quidem possunt carere diuitijs. Possumus autem iuxta intelligentiam spiritualem & hoc sentire, q̄ corpus Domini non auro, non gemmis, non serico, sed linteamine puro obuoluendum sit. quamq̄ & hoc significat, q̄ ille in SINDONE munda inuoluit IESVM, qui pura mente eum susceperat. Vel aliter, secundum Remigium, quia Sindon lineus pannus est, linum autem ex terra procreatur, & cum magno labore ad candorē perducitur, quo designatur, q̄a corpus illius, quod ex terra, id est ex Virgine sumptum est, per laborem passionis, peruenit ad candorem immortalitatis. Tu autem. Resp. Noë nudatus iacuit, quod cum vidisset Cham, patrem deridens, nūciauit fratribus suis, Sem,



Sem, & Iaffet, qui palio operuerunt eum. Allel. Vers. Quem  
Indei nudauerunt, Ioseph, & Nicodemus, in SINDONE munda  
inuoluerunt. Qui palio, Lectio III. Hinc autem (vt Ra-  
banus ait) Ecclesie mos obtinuit, vt sacrificiū altaris, non in  
serico, neq; in panno tincto, sed in licio terreno celebretur,  
vt a beato PP. Siluestro legimus esse statutū. Secundum autē  
Hilarium, Iusticie Ioseph Apostolorum habet speciem, hic in  
munda SINDONE corpus inuoluit quidem, in linteo repe-  
rimus, de Cælo ad Petrū, vniuersorum animantiū genera sub-  
missa: ex quo intelligitur, sub linteī illius nomine, consepe-  
liri CHRISTO Ecclesiā. Vt autem ait Origenes, non fortuito  
scriptum est, quoniam inuoluit corpus in SINDONE munda,  
& posuit in monumento nouo, & aduoluit lapidem magnū.  
quoniam omnia quę sunt circa corpus IESV, munda sunt, &  
noua, & omnia magna valde. Tu autem. Respon. Cecidit  
super Petrum mentis excessus, & vidit cœlum apertum, & de-  
scendens vas quoddam, velut linteum magnum quatuor ini-  
cijs submitti de cœlo in terram, Allel. Vers. In huius quippe  
lintei nomine, CHRISTO consepelitur Ecclesia. Allel. Vers.  
Gloria patri. Allel. In secundo nocturno, Antiphona, posuit  
Moytes velamen super faciem suam. Milites vero velauerūt  
faciem CHRISTI, & conspuentes colaphis eum ceciderunt.  
Allel. ps. Domini est terra. Antiphona. Samson viros vesti-  
bus spoliavit. Ioseph vero ab Aramathia CHRISTVM in SIN-  
DONE munda inuoluit. Allel. ps. Dominus illuminatio. An-  
tiphona. Tulit mulier velamen, & posuit super os putei. Io-  
seph vero aduoluit saxum magnum ad ostium monumenti.  
Allel. ps. Exaltabo te Deus. Vers. Ioseph & Nicodemus ac-  
ceperunt corpus IESV. Allel. Resp. Et ligauerunt illud lin-  
teis, cum aromatibus. Allel. Lectio 4. Sequitur in Euangelio  
Marci, & posuit eum Ioseph in monumento, quod erat ex-  
cisum in petra, & aduoluit lapidem ad ostium monumenti.

Vnde



Vnde (ait Hieronymus) sepultura CHRISTI, resurgimus de censione eius ad Inferos, nos ascendimus ad Caelos. huic enim (vt in libro Iudicum dicitur) inuenitur mel in ore Leonis mortui. Theophilus, vero vos admonet, dicēs: incitemus in nos Ioseph, recipientes CHRISTI corpus per vnitatem, & ponamus illud in monumento exciso de petra, in anima, memorante, & non obliuiscēte Deum. illa enim anima ex petra excisa est, id est, ex CHRISTO, quę continet firmitatem. Inuoluere etiam debemus ipsum in SINDONE, id est, in corpore puro suscipere, SINDON namq; est corpus, quod est corporis indumentum: decet enim non solum puram animam corpus CHRISTI suscipere, sed in corpore puro. Inuoluere autem oportet, sed non aperire, nam secretum clausum est, & occultum. Tu autem. Resp. Daniel leuauit oculos suos, & ecce vir vnus vestibibus lineis, & renes eius accincti. Allel. Vers. Hunc Ioseph & Nicodemus ligauerunt linteis, cum aromatibus, sicut mos est Iudeis sepelire. Et renes. Lectio v. Quia vero (vt ait Chrysostomus) breuitate temporis vrgebantur, nona enim hora, mortuo CHRISTO, deinde accedentibus ad Pilatum, & deponentibus CHRISTI corpus, vespera imminebat, ideo posuerunt eum in proximum monumentum: Vnde subditur, erat autē in loco vbi crucifixus est, hortus, & in horto monumentū nouū, in quo nō quāquam positus fuerat, q̄ Diuina dispensatione factum est, ne alterius alicuius qui cū eo iaceret, existimaretur resurrectio facta esse: sicut etiam (vt ait Augustinus) in MARIAE virginis vtero, nemo ante illum, nemo post illum susceptus est. per hoc etiam (secundum Theophilum) quod nouum fuit sepulchrum, datur intelligi, quod p̄ CHRISTI sepulturā, omnes innouamur, morte, corruptione destructa. Attende etiā eū abundantia p̄ nobis suscipere paupertatis, nā qui in vita domum non habuit, post mortem quoq; in alieno sepulcro



pulchro reconditur, & à Ioseph operitur. Tu autē. Resp. Sapientia stragularum vestem fecit sibi, bislus, & purpura vestimentum eius, SINDONEM fecit, & vendidit, & angulum, tradidit Cananeo. Alleluia. Vers. Ioseph deponēs eum inuoluit SINDONE, & posuit in monumento. Et angulū. Lectio vj. Postea sequitur, ibi, ergo propter Parasceuem Iudæorum, quia iuxta erat monumentum, posuerunt IESVM. Vbi Augustinus ait, acceleratum, vult intelligi sepulturam, ac vesperasceret, quando iam propter Parasceuem, (quam cœnam Iudæi, Latini, conuiuium vocant,) facere aliquid non licebat. propinquum autem, (secundum Chrysostomum) fuit sepulchrum, vt discipuli possent, cum facultate accedere, & cōsideratores fieri eorū, quæ futura erant in resurrectione, & non solum ipsos, sed vt etiam inimici tunc testes sepulturæ essent, custodiētes sepulchrum, & vt falsus ostendereſ is, qui erat de furto sermo. Iustitiæ, autem Ioseph, apud Bedam aptè, interpretatur per acceptionem boni operis: quo monemur, vt corpus Domini dignè percipere mereamur. Hinc Theophilus ait, tunc etiam quodammodo CHRISTVS apud auaros mortificatur in paupere famem patiente. Esto ergo Ioseph, tege CHRISTI nuditatem non semel, sed in tuo tumultu spirituali considerando reconde, & cooperi, & misce mirram, & aloem amaricantia, considerando vocem illam, Ite maledicti in ignem æternū, quia nihil amarius existimo. Tu autē. Resp. Quis est iste qui venit de Edon, tinctis vestibus de Bosra, sicut calcantium in torculari? Iste formosus in stola sua, gradiens in multitudine virtutis suæ. Alleluia. Vers. Milites exuerunt illum purpura, quem Ioseph, & Nicodemus sepelierunt in SINDONE munda. Iste formosus. Gloria patri. Allel. In tertio nocturno, Antiphona, Apprehenderunt, Philistini Sanson, & vinctum catenis clauferunt in carcere, Quem Ioseph & Nicodemus ligauerunt linteis, & posuerunt in

H monu-



monumento. Alleluia. Psal. Deus in nomine. Antiphona, Rex Babilonis Sedechiam regem uinxit compedibus, & posuit in domo carceris. Pilatus autem ait, Ite custodite sicut scitis. Alleluia. Psal. Notus in Iudæa Deus. Antiphona, Missus est Hieremias cæsus in carcerem. Abientes autem principes Sacerdotum, miserunt, sepulchrum signâtes cum custodibus. Allel. ps. Domine Deus salutis. Vers. Ioseph accepto corpore inuoluit illud in SINDONE. Alleluia. Resp. Et posuit illud in monumento suo nouo, quod exciderat in petra. Alleluia. Lectio vij. Secundum Ioannem. In illo tempore. Rogauit Pilatû Ioseph ab Arimathia, eo quod esset discipulus IESV, occultus autem propter metum Iudæorum, vt tolleretur corpus IESV, & permisit Pilatus. & reliqua. Expositio Euāgelij ex varijs Ecclesiæ sacris Doctoribus. Vt enim Chrysostomus in Omelia ait, Existimans Ioseph extinctum esse Iudæorum furorem, CHRISTO crucifixo, cum fiducia accessit ad Pilatû, vt deponendum funus procuraret, eo quod esset discipulus IESV, non ex duodecim, sed ex septuaginta. sed quomodo nullus ex duodecim, & si timorem Iudæorum quis pro causa assumpserit, hic eodem detinebatur timore, vnde dicitur, occultus autem propter timorem Iudæorum. Vt autem Græcus super Lucam, fuerat quandoq; Ioseph occultus CHRISTI discipulus. denique vinculum timoris rumpens feruentior factus, Dominicum corpus, turpiter pendens, à ligno deposuit, comparans pretiosam margaritam, verborum modestia. Et secundum Marcum, Audacter introiuit ad Pilatum, & petijt corpus IESV. super quo Theophilus ait. Audet autem laudabilem, non enim excogitauit a diuitijs decidam, & expellari à Iudæis, si corpus petam eius, qui est blasphemus, condemnatus. hinc & in Omelia Hieronymus. Inspice huius viri fortitudinem, in mortis enim periculum se tradidit, inimicitias omnes assumens, propter beneuolentiam CHRISTI & non



& non solum audet corpus CHRISTI petere, sed & sepelire: unde sequitur, & accepit corpus IESU, & inuoluit eum in SINDONE munda. Augustinus verò de concordantia euangelistarum ait, In extremo illo officio funeri exhibendo, minus curauit de Iudæis, quamuis soleret in Domino audiendo, eorum inimicitias deuitare. Hinc Beda in Omelia ait, sedata quacunq; Iudæorum seuitia, eo quòd se aduersus CHRISTVM præualuisse gaudebant, corpus CHRISTI perijt Ioseph, quoniam non videbatur causa discipulatus, sed pietatis venisse, vt funeris officium impederet, quòd homines nò solum bonis, sed etiam malis solent impendere. Tu autem Domine. Resp. Videntes Ioseph fratres eius, nudauerunt eum tunica talari, & polluta, quam in sanguine hœdi tinxerunt, miseruntq; eum in cisternam. Alleluia. Resp. Erat autem tunica inconsutilis desuper, contexta per totum. Miseruntq;. Lectio viij. adiungitur autem ipsi Ioseph, secundum Bedam, Nicodemus; unde sequitur, venit autem & Nicodemus, qui venerat ad IESVM nocte primum, ferens mixturam mirrhæ & aloes, quasi libras centum. Vbi Augustinus ait, non ita distinguendum est, vt dicamus primum ferens mixturam mirrhæ, sed vt quod dictum est primum, ad superiorem sensum pertineat. venerat enim ad IESVM Nicodemus nocte primum: quòd idem Ioannes narrauit in prioribus Euangelij sui partibus, hoc ergo intelligendum ad IESVM, non tunc solum, sed tunc primum venisse Nicodemum, venisse autem postea vt fieret audiendo discipulus: fuerunt autem pigmenta, quæ maximè ad corpus apta sunt, quæ plurimùm cōseruare solent & nò pmittere cito subijci corruptioni. adhuc enim vt de nudo homine disponebāt, sed tamen nullam dilectionem demonstrabant. Tu autem. Resp. David accinctus Ephor lineo obtulit holocausta coram Domino, & pacifica quem Micol filia Saul humilitatē prospiciens despexit. Allel. Vers. Prætereuntes blasphemabant eum,



mouentes capita sua; quem Micol. Lectio 8. Sequitur autem  
 vt Euangelista, ait, Acceperunt ergo corpus IESV, & ligaue-  
 runt eum linteis, sicut mos est Iudeis sepelire. Super quo  
 Augustinus ait, Euangelista admonuit in huiusmodi offi-  
 cijs, quæ mortuis exhibentur, morem cuiuscunque gentis esse  
 seruandum: erat autem illius gentis consuetudo vt corpora  
 mortuorum varijs aromatibus condirentur, vt diutius serua-  
 rentur illæsa: hinc idem, de concordantia Euangelistarum ait,  
 neque autem hîc Ioannes alijs repugnat, neque enim illi qui  
 Nicodemum tacuerunt, affirmauerunt à solo Ioseph Domi-  
 num sepultum, quamuis solius commemorationem fecerunt.  
 aut quia illa vna SINDONE à Ioseph inuolutum dixerunt, pro-  
 pterea prohibuerunt intelligi, & alia lintea potuisse afferri à  
 Nicodemo, & superaddi, vt verum narret Ioannes, quod nō  
 vno linteo, sed linteis inuolutus sit, quamuis & præter Suda-  
 rium, quod capiti adhibebatur, & institas fuisse quibus corpus  
 totū alligatū esset, & quia omnia de lino erant, etiā qđ vere  
 SINDON ibi fuit, veracissimè dici potuit: ligauerunt linteis,  
 lintea quippe generaliter dicuntur, quæ lino texuntur. Tu au-  
 tem. Resp. Ingressus Aaron tabernaculum, vt olocausta of-  
 ferret super altare Domini, pro peccatis filiorum Israel. tu-  
 nica linea indutus est. Allel. Vers. CHRISTVS Sacerdos in æter-  
 num, secundum ordinem Melchisedech. Tunica linea. Vers.  
 Gloria patri. Alleluia. Te Deum laudamus. Vers. Tuam san-  
 ctam SINDONEM adoramus Domine. Alleluia. Respon. tuam  
 gloriosam recolimus passionem. Alleluia. In laudibus. Anti-  
 phona. Adfunt honeste SINDONIS læta solennia, pulsu Psal-  
 terij plaudat Ecclesia. Alleluia. Psal. Dominus regnauit, An-  
 tiphona. in Heliæ pallio, & Sāsonis spolio, SINDON demōstra-  
 tur, Allel. ps. Iubilate. Antipho. Bis si stola scinditur, CHRI-  
 STVS lino regitur, sepulchro locat. Alleluia. Psal. Deus Deus  
 meus. Antiphona. Aurum latet occultatū, sidus iacet obum-  
 bra-



bratum, granum tegit palea. Alleluia. Psalm. Benedicite. Antiphona. Veste nudum crucifigunt Iudæi, quem sepeliunt Ioseph & Nicodemus. Alleluia. Psalmus. Laudate Dominum de cœlis. Capitulum. Acceperunt Ioseph. Hymnus. Hymnum nouæ lætitiæ, dulci productum cantico, chorus depromat hodie linteo Dominico. Petra in petra latuit, vermis fuit & non homo, leo prostratus iacuit, CHRISTVS repositus in humo, concha plena aromathum, testa nardi concassata, latet Sidus obumbratum, margarita concultata, granum mundum à palea, corpus iacet examine, vellus siccum in area, cadit Deus pro homine. Tempore Paschali. Quæsumus. Tempore Ascensionis. Tu esto. Vers. Introiuit Petrus in monumentum, & vidit lintheamina posita, Alleluia, Alleluia. Resp. Et Sudarium quod fuerat super caput eius, Alleluia, Allel. Ad Benedictus. Antiphona. Heliseus in sepulchro mortuū suscitauit, CHRISTVS sua morte hominem à peccati morte liberauit, Alleluia. Psal. Benedictus Deus Deus Israel. Oratio, vt in vespers. Ad primam, Antiphona. Adsunt honeste SINDONIS. Ad Tertiam, Sextam, & Nonam, Antiphonæ. Laudum. Ad Tertianam, Capitulum, Acceperunt Ioseph. Resp. Tuam sanctam SINDONEM adoramus Domine, Alleluia, Allel. Vers. Tuā gloriosam recolimus passionē. Resp. Alleluia, Allel. Vers. Gloria patri. Resp. Tuam sanctam. Vers. Ioseph & Nicodemus acceperunt corpus IESV, Alleluia. Resp. Et ligauerunt illud lintheis cum aromatibus, Alleluia. Ad Sextam. Capitulum. Accepito corpore, Ioseph inuoluit illud in SINDONE munda, & posuit illud in monumento suo nouo, quod exciderat in petra. Deo gratias. Respon. Ioseph & Nicodemus acceperunt corpus IESV. Alleluia, Alleluia. Vers. Et ligauerūt illud cum aromatibus. Resp. Allel. allel. Vers. Gloria patri. Res. Ioseph. & Ad Nonā. Capitulum. Ioseph autem mercatus est SINDONEM, & deponens eum inuoluit SINDONE, & posuit eum in



in monumento, quod excisum erat in petra. Deo gr̃as. Resp. Ioseph accepto corpore inuoluit illud in SINDONE munda, Alleluia, Alle. Vers. Et posuit in monumento suo nouo, quod exciderat in petra. Resp. Alleluia. Vers. Gloria patri. Resp. Ioseph accepto. Vers. Introiuit Petrus in monumentum, & vidit lintheamina posita. Allel. Resp. Et SVDARIUM quod fuerat super caput eius, Alle. Ad Vesp. Antiphonę laudum, Psalmi, & Hymnus, vt in primis Vesperis. Ad Magnif. Antipho. Cum mortuus fuerit Sacerdos magnus, tēpore illo reuertē fugitiuus, & ingredietur Ciuitatē, & domū suā, de qua fugerat. Allel. ps. Magnificat, Oratio. Op̃s sempiternę Deus. Missa s̃actę SINDONIS. Introitus. Respice Domine de excelsis in faciem CHR̃ISTI tui, sancto velatam SVDARIO, & non recedant ab oculis cicatrices eius in perpetuum. qui sibi obediens factus est vsque ad mortem. Vers. Signatum est super nos lumen vultus tui Domine, dedisti latitiam in corde meo. Vers. Gloria patri. Oratio. Omnipotēs sempiternę Deus. vt supra. Quinta Lectio, libri Genesis: In diebus illis, tulerūt tunicam Ioseph fratres eius, & in sanguine hœdi, quem occiderant, tinxerunt, mittentes qui ferrent eam ad patrem, & dicerent, hanc inuenimus, vide vtrum tunica filij tui sit, an non? quam cum agnouisset pater, tunica filij mei est, fera pessima comedit eum, bestia deuorauit Ioseph, scissis vestibus, indutus est cilicio, lugens filium multo tempore, congregatisque cunctis liberis eius, vt delinirent dolorem patris, noluit consolationem accipere, descendam ad filium meum lugens in Infernum. Resp. Mulier sapiens SINDONEM fecit, & vendidit, quam Ioseph ab Arimathia mercatus est. Vers. Venit Nicodemus cum aromatibus mirrhæ, & aloes, & sanctum sancto recluserunt sepulchro. Alleluia. Vers. Adoramus in nomine tuo CHR̃ISTE, tuæ victoriosę crucis vexillum, tuum diadema spineum, tuam sanctam SINDONEM, tuos rubentes



tes sanguine clauos, ac tuo sacro lateri immerfam lanceam.  
 Tempore Paschali. Alleluia. Vers. Surrexit CHRISTVS de  
 sepulchro, derelicto Sudario, qui pro nobis pepedit in ligno.  
 Tempore Ascensionis, Alleluia. Ascendens CHRISTVS tra-  
 ctus. In Septuagesima. Ego dixi in dimidio dierum meorum  
 vadam ad portas Inferi. Vers. Quæsiui residuum annorum,  
 meorum, dixi nō videbo Dominum Deum in terra viuentiū.  
 Vers. Non aspiciam hominem ultra, & habitatorem quietis.  
 Vers. Generatio mea ablata est, & conuoluta est à me, quasi  
 tabernaculum pastorum. Vers. Præscisa est velut à texente  
 vita mea, dum adhuc ordire, succidit me, de mane vsque ad  
 vesperam finies me. Vers. Sperabam vsque ad mane, quasi  
 leo sic contriuit omnia ossa mea. Vers. de mane vsque ad ve-  
 speram finies me. Sicut pullus hirundinis, sic clamabam, me-  
 ditabar vt columba. Prosa. Plaudat cœli Ierarchia, noua so-  
 net harmonia, pulsa millenario, hinc cōcordet in hac via, no-  
 stri chori melodia, pro sacro linteamine. Ioseph fratres de-  
 uestitum, vendunt, mittunt in Aegyptum, pro somnij crimi-  
 ne, luget Iacob deuoratum, cernens Ioseph vestimentum,  
 tinctum hœdi sanguine, in Hellie pallio, & Sansonis spolio,  
 SINDON præmonstratur. Bissi stola cingitur, CHRISTVS li-  
 no tegitur, sepulchro locatur. Exit cibus de edente, fauus mel-  
 lis de iacente, & dulcedo de forti. Rahab sub lino abscondit,  
 quem virgo pannis inuoluit, CHRISTVM tradendum mor-  
 ti tegunt patrem Sem, & Iafet, quem Cham ridet, dum sic  
 iacet. condant Noë racemus. veste nudum crucifigunt, Iudæi  
 quem sepeliunt Ioseph & Nicodemus, SINDON per quam  
 gaudia foelix iam Ecclesia sumens exaltatur: montem nubes  
 operit, Deum SINDON contegit, homo sublimatur. Aurum la-  
 tet occultatum, fidus iacet obumbratum, granum tegit pa-  
 lea. Radix CHRISTVS dum marcescit, ramus homo tunc vi-  
 rescit, salua Dei Idea: Gaude fœlix Sabaudia, Gaude tota Ec-  
 clesia, nouę laudis gloria. Artus fracti solidantur, egri currūt,  
 & cu-



& curantur, virtutum frequentia. Rea pete suffragia, clama  
 voca auxilia Plebs nimis egena. ergo laudes p linteo CHRIS-  
 TI demus vestigio, idque voce plena. Tua morte suscita-  
 tos, bone IESV, & redēptos, prece serua sedula. Apud thronū  
 Dei patris, cum precibus tuæ Matris, commenda per secula.  
 Amen. Euangelium secundum Ioannem. In illo tempore ro-  
 gavit Pilatum Ioseph ab Arimathia, eo quod esset discipulus  
 IESV, occultus ppter metum Iudæorum, vt tolleretur corpus  
 IESV, & permisit Pilatus. Venit ergo, & tulit corpus IESV. ve-  
 nit autem & Nicodemus, qui venerat ad IESVM nocte primū,  
 ferens mixturam mirrhę, & aloes quasi libras centum, accepe-  
 runt ergo corpus IESV, & ligauerunt eum linteis cum aroma-  
 tibus, sicut mos est Iudæis sepelire. Erat autem in loco vbi  
 crucifixus est, hortus, & in horto monumentum nouum, in  
 quo nondum quisquā positus fuerat, ibi ergo propter Para-  
 sceuem Iudæorum, quia iuxta erat monumentum, posuerunt  
 IESVM. Offertorium. Ingressus Aaron tabernaculum, vt holo-  
 caustum offerret super altare Domini, pro peccatis filiorum  
 Israel, tunica linea indutus est. Tuā clementiā inuocantibus  
 Domine. Præfatio. qui salutem. Secreta. Accepta tibi sunt o  
 Domine, virtute sanctę SINDONIS hæc munera, cui p mundi  
 salute, accepta extitit filij tui passio gloriosa, p eūdē Domi-  
 nū nostrū. Cōio. Accepto corpore Ioseph inuoluit in S I N-  
 DONE mūda, & posuit in monumēto suo nouo, q exciderat  
 in petra. Post cōi. Satiasti Domine in via familiā tuā muner-  
 ibus sacris: quęsumus vt p virtutē sanctę SINDONIS, facie tua  
 in Patria nos satiare digneris. Per dñm nostrū. Deo grās. Nul-  
 li ergo &c. hāc nostrę approbationis, cōfirmationis, cōmuni-  
 tionis, suppletionis, statuti, & ordinationis paginā infringe-  
 re. &c. Si qs autē attentare præsumpserit indignationē Dei  
 omnipotētis &c. *Dat. Romę apud Sanctum Petrum, anno Domini*  
*M. D. VI. viij. Kalen. Maij, Pontificatus nostri anno tertio.*  
*Impendente Bulla plumbea.*



65  
FRANCISCI ADORNII

GENVENSIS,  
SOCIETATIS IESVITARVM.

*Epistola qua Peregrinatio*

AB ILLVSTRISSIMO CARDINALI

Sanctæ Praxedis suscepta exponitur,

Cùm ad inuisendum sacrum Linteum Augustam Taurinorum se contulit.

*E' COMMVNI ITALICO IN LATINVM A IO.*

ANTONIO GVARNERIO CANONICO

*Bergomensi conuersa.*



VOD mihi exploratum erat, Venerande Pater, pro tuo summo in Carolum Borromeum Cardinalem S. Praxedis studio, & singulari obseruantia, tibi non solum pergratum & periucundum futurum, si quæ is in peregrinatione gessisset, cùm se Augustam Taurinorum ad inuisendum sacrum Linteum contulit, cognouisses; sed etiam letos & vberes fructus ex ea re capturum; occasionemq; habiturum, qua alijs plurimis eandem vtilitatem, & letitiam impertire posses; foreq; intelligebam, vt hæc omnia ad Dei laudem & gloriam reuocarentur: ommittendum non putaui, quin, quantum meminisse possem, rem omnem, vt gesta erat, ordine perscriberem. Allobrogum Ducibus claritate generis antiqui, vetustaq; fama gentis Sabaudæ, & magnitudine imperij, quo magnam Galliæ, & non exiguam partem Italiæ ad hoc vsq; tempus obtinuerunt, nobilissimis, singulare hoc pietatis Insigne, & amplissimus Thesaurus, sacri Lintei, in quo Dominum no-

I strum



strum Iesum Christum inuolutum sepultum fuisse Euangelistę tradunt, nonnullis ab hinc seculis partus est. Incredibili quadam ratione, & omnium iudicio admirabili Seruatoris nostri imaginem expressam in eo licet intueri: quę partim augustissimo sanguine figuratur; partim quantum licet conijcere, pretiosissimis vnguentis; quibus Dominus noster, prius quàm humaretur, vnctus est. pars corporis prior & posterior mirabiliter discernuntur. quamuis autem forma totius rei expleta, perfectaq; integris lineamentis non definiatur: tamen singulę corporis partes membrorum figura, optimè dijudicantur: loca vbi corona ex spinis intexta, vbi vulnus lateri inflictum, precipueq; vbi manus clauis confixę hæserint, distinguuntur. Dictu mirabile est, quę commotio intimorum sensuum, cùm sacram & diuinam illam effigiem intueremur, nos occupauerit. præ pietate & religioso, quo compūgebamur, animi studio, lachrymę contineri vix poterant. Familiam Lusignanam regnum Cyprium & Hierosolymitanū multos quondam annos obtinuisse memorię proditum est. ex ea Carolotta orta postrema in Cypro regnauit. hæc Ludouico alterius Ludouici filio Allobrogū, quos Sabaudienfes appellāt, Duci in matrimonium collocata, familiā hanc: & Gazę regię & regni Cyprij reliquit heredem. hinc in inclytam hanc domum præclarissimum & sacrum hoc monumentū peruenisse superiores Duces à suis accepere, & eius rei memoriā per manus traditam, posteritati reliquere. nonnulli etiam insulam Rhodum à Turcis maxima multitudine circumfessam vehementissimeq; oppugnatam Amadeum Allobrogum Comitem summis obsidionis periculis eripuisse, & conseruasse ferunt: ob eamq; causam cum cruce alba, qua ille sua ipsius insignia exornauit, tum sacro Linteo à summo equitum Hierosolymitanorum Magistro, qui animum memorem & gratum in  
be-



benemerentem præstare studuit, donatum fuisse. Multi præ-  
terea Summi Pontifices literis hoc esse præclarū & diuinum  
illud Linteum, de quo supra diximus, testati sunt. in ijs Xistus  
iiij. qui theologiæ scientia floruit, in opusculo, quod de cor-  
pore & sanguine Christi confecit, hoc esse verum illud Lin-  
teum, in quo sanguinis veri vestigia, & signa, immo sanguis  
ipse extaret, commemorat. Primus Episcopus Cabilonensis,  
qui cxxx. ante annis loca, quibus sanctorum corpora, & va-  
riæ reliquiæ continētur, persecutus est, huius sanctissimi Lin-  
tei præcipuam mentionem facit. Plurima quoq; miracula, sa-  
cri Linteï vim, nobilitatēq; declarant, quæ grauissimis, cer-  
tissimisq; monumentis testata, & Chamberij, & Augustæ  
Taurinorum in publicas tabulas relata passim celebrantur.  
in ijs illud insigne memorandumq; visum est; nam cum qua-  
draginta, aut quinquaginta ab hinc annis, incendium in sa-  
cello, vbi sacrum Linteum situm erat, casu ortum esset; sicq;  
omnia ignis absumpsisset, vt non solum cætera flammis, rui-  
nisq; equarentur, sed lapides ipsi in calcem redigerentur;  
atq; capsula ipsa in qua Linteum collocatum erat, flagrans  
canderet: Linteï quidem nonnullæ exiguæ partes incendio  
sunt deformatæ; sed cum ad Seruatoris figuram ignis per-  
uenit, veluti restinctus constitit, integraq; imago, vt adhuc  
videmus, remansit, & incorrupta: summo in honore, & ma-  
gna in veneratione sacrum Linteum habitum est, tum, cum  
Galli & Allobroges à nefarijs & fallacibus hereticorum do-  
ctrinis auersu, nihil de antiqua pietate & religione remise-  
rant: tum certis & statis diebus Linteum spectandum pro-  
mebatur, atque ex prouincijs, oppidis, vicis, & agris magni  
concurfus venerandi eius causa fiebant. has inclytas reliquias  
fama nobilitatas, summus ille Galliæ Rex Franciscus primus  
visendas putauit; Lugdunoq; profectus pedibus Chambe-  
rium petijt: templumq; piè & religiosè ingressus, sacrum



Linteum veneratus est. Eadem pietate & religione prædi-  
 tus Carolus regnantis nunc Ducis pater, cum duodecim vi-  
 rorum comitatu Augusta Taurinorum Chamberiacum op-  
 pidum, hoc exemplo memorabili, quod quatruidi viam  
 aberat, pedibus iter fecit, vt sacrum Linteum venerabundus  
 inuiferet. Vnde Cardinali huius peregrinationis occasio sit  
 oblata, altius ordiemur. Erat Emanuel Philibertus Allobro-  
 gum Dux, bellicis laudibus, & iustitiæ, pietatisq; gloria in-  
 signis. ceperat hunc admiratio Cardinalis sanctæ Prædis  
 ex fama rerum, sanctæ, pieq; gestarum; magnoq; desiderio  
 fruendæ eius suauissimæ consuetudinis tenebatur: & vt fa-  
 miliares cum eo de summis rebus conferre sermones liceret,  
 exoptabat. de ratione explendæ huius sitis deliberati Duci  
 de aliquorum consilio optimum visum est curare, vt sacrum  
 Linteum, cuius inuifendi studio Cardinalem ardere accepe-  
 rat, Chamberiaco Augustam Taurinorū transferretur, vbi  
 transportatum est. Cardinalis se ad id inuifendum compa-  
 ruit: tempusq; in ante v. idus Septēbris, die festo ortus Diuæ  
 Virginis celebrato, itineri faciundo constitutum est. consi-  
 lio Cardinalis ad Emanuele Duce perlato, Franciscum  
 Linum, qui est à secretis, quiq; eundem locum apud Cardi-  
 nalē tenuerat, eiusq; spectata fides, & singularis prudentia  
 Cardinali magno vsui fuerat, misit, qui à Cardinale peteret,  
 vt hac professione supersederet, quoad Heluetiorum Lega-  
 tos dimississet; seq; p. diem de tēporis opportunitate Car-  
 dinalem certiores facturum pollicitus est. ea re à Cardinale  
 comprobata, non multo post Franciscus Linus cum manda-  
 tis de inuitando Cardinali Mediolanum reuersus est. dies  
 professioni in ante nonas Octobris dicitur, anno à Christo  
 nato 1578. ordo & modus, qui in obeunda peregrinatio-  
 ne adhibendus censebatur, præscribit. Decernitur primū,  
 vt decima hora è lectulis surgeretur; per vnius horæ & di-  
 midia



midiaē spacium corporum commodis inseruiretur: Missę sacrum à sacerdotibus perageretur: à reliquis salutaris Eucharistia, quæ de manu Cardinalis tradenda erat, sumeretur: prima & tertia recitarentur: post inita via eæ preces, quæ ab iter facientibus ex Breuiarij instituto fieri solent, pronuntiarentur: deinde, vt ritè & piè per duas horas spiritu oraretur, intimum & flagrans studium adhiberetur: reliquum temporis, quo iter faciebant, rosarij pronuntiatione consumeretur. id in duos choros diuisi aptè & concinnè præstarent: ab aliquibus mysterij versibus, qui cum denario salutationis angelicę numero, & diei tempore congruerent, ex sodalitate aliquis initium duceret: & vt vt iij. versus ab omnibus exaudirentur, vnus prægredientibus, alter subsequenter illos repeteret. ijs perceptis omnes veluti ex composito ad meditandum idem mysterium mentem appellerent. orationem dominicam quispiam altiori voce ordiretur, eamq; perfectè & dilucidè pronuntiaret: cùm is dicendi finem fecisset, qui proximum teneret locum, idem officium exequeret. idem à prægredientibus & subsequentibus gereretur. quod etiam in recitanda salutatione angelica seruaretur. si quid temporis superesset, antequàm ad hospitium perueniretur, quod rarò accidit, propterea quòd plurimum temporis in pronuntiando rosario poneretur: id vel huiusmodi, vel alijs obsecrationibus, vel psalmis dicendis traduceretur; & ad singulos versus brevis aliqua explicatio adhiberet. cùm ad hospitium ventum esset, ad templum, quod Principem locum teneret, recta pergerent. ibi sexta & nona recitarentur. qui Romano seorsum ab illis, qui Ambrosiano ritu statas officij preces persoluebant, id munus præstarent. recreati cibo, qui semper ex ijs, quibus quadragesimę tempore vescimur, instrueretur, ad templum redirent; statæ preces vespertinę fierent; post iter rursus ingre-



grederentur: duę horę in meditationibus, & recitandis septem psalmis, & alijs precationibus, ea quę supra distinximus ratione, ponerentur. cū ad diuersorium accessissent, ad primariam eędem viam flecterent. ibi persolutis cōpletorijs precibus, se omnes ad diuersorium reciperent. postquā se quisque ex labore refecisset, corporisq; necessitati cōsulisset, cibumq; cepisset, eorum, quę in itinere meditati erant, quibuscq; orando & contemplando se quisque oblectasset, argumenta conferrent. eo colloquio absoluto, quę postero die contemplanda erant, proponerentur: inde cum suam quisque conscientiam excussisset, tum aqua benedicta aspersus se insuper Cardinalis benedictione munisset, cubitum discederet. tres sententię, in quibus prima die mente ac spiritu versati sunt, ijs euangelij locis continētur, quibus

*Mat. 4.* domini nostri IESV CHRISTI peregrinatio maxime explicatur. ex ijs prima sic incipit: Et circuibat IESVS totam Galileam docens in synagogis eorum, & prędicans Euangelium regni, & sanans omnem languorem, & omnem infirmitatem in populo. Altera habebat: Iesus autem fatigatus ex itinere sedebat sic supra fontem: tertia: Erāt autem

*Ioan. 4.*

*Mat. 10.* in via ascendentes Hierosolymā, & pręcedebat illos IESVS, & stupebant, & sequentes timebant. Altera die, de Apostolorum peregrinatione in meditationibus agitur. hæc itidem ex tribus Euangelij sententijs constabant, quarum

*Mat. 10.* prima erat: Euntes autem prędicate dicentes, quia appropinquabit regnum cęlorum. Altera Apostolorum partitionem amplectebatur; cū Apostoli in plures partes distributi, in diuersas orbis terrarum prouincias, ex vetere Ecclesię traditione bini missi sunt. Tertia diui Pauli peregrinatio commemorabatur, quę inquit: Ministrantibus autem illis Domino, & ieiunantibus dixit illis Spiritus sanctus: Segregate mihi Paulum & Barnabam, in opus ad quod assumpsi eos.

АѢиит  
Апостол.  
13.



cos. Tunc ieiunantes, & orantes, imponentesq; eis manus dimiserunt illos. & ipsi quidem missi à Spiritu sancto, abierunt Seleuciam; & inde nauigauerunt Cyprum: & cum venissent Salaminam, prædicabant verbum Dei in synagogis Iudæorum. Tertię diei meditationibus vitam nostram, continentem esse peregrinationem demonstrabatur, quarum prima sententia erat: egredere de terra tua & de cognatione tua, *Gen. 12.* & de domo patris tui, & veni in terram, quam monstrauero tibi. Itē illud Pauli habebat: Iuxta fidem defuncti sunt omnes isti, non acceptis repromissionibus, sed à longe eas aspicientes, & salutantes, & confitentes, quia peregrini & hospites sunt super terram: qui enim, & reliqua. altera illum psalmi trigessimī octauī versiculum continebat: quoniam aduena ego sum apud te, & peregrinus, sicut omnes patres mei. tertia, illa verba D. Petri, quæ in secunda canonica præscripta *Cap. 2.* sunt, contemplabamur: obsecro vos tanquam aduenas & peregrinos abstinere à carnalibus desiderijs, quæ militant aduersus animam. Postremi diei meditationibus ad rationem venerandi sacri Lintei nos ipsos comparabamus; hæc, more & instituto nostro, ad triplicem tractationem redigebantur. primum quodnam cultus genus augustissimo illi monumento adhibendum esset, commentati sumus. huic & propter contactum sanctissimi corporis, & quoddam preciosissimi cruoris reliquiæ in eo impressæ essent, supremus cultus, quem latrariam appellant, consensu omnium deberi visus est. cum vero causa nostra, in sacro Linteo illa imago expressa esset, ut diuini erga nos amoris sempiternum monumentum extaret, illud secundo cogitaremus Dominum nostrum multo magis optare videri, ut in animarum nostrarum cordibus, eius diuinitatis forma effingeretur: præsertim cum illam imaginem ad hanc referri certò sciremus. cumque toties sanctissima Eucharistia nobis administraretur: dominumq; nostrum in animam



animam nostram tanquam in Lintum acciperemus, culpa nostra fieri putaremus, q̄ viua & expressa imago cruciatus & mortis eius in nobis non relinqueretur. tertio considerabamus, quid & pro se, & pro quibus supplicandum esset, peteremus. Plurimi erant, qui huius peregrinationis studio traherentur. quatuordecim, quos secum adduceret, sibi delegit. ex familiaribus undecim asciuit. in hunc numerum tres ædis cathedralis Canonici, Ludouicus Moneta, vnus ex seminarij Clericis, duo ex sodalitate nostra ascripti sunt. Franciscus Linus, qui iccirco ab Allobrogum Duce missus fuerat, vt Cardinalis comodis inseruiret, eumq̄ue prosequeretur, vnâ nobiscum semper affuit. Pridie quàm discessuri essemus, qui erat dies dominicus nonis Octobris, post domesticas & quotidianas preces, omnibus Peregrinis, familiaribusq̄; vnum in locum coactis, ex socijs vnus breui sed graui & vehementi sermone, quod peregrinatio illa referenda esset, explicauit. duos enim ad fines eorum laborem potissimum spectare docuit, pietatem nimirum & pœnitentiam: quarum altera sacri Linteï piam & sanctam venerationem, altera acrem & intimum dolorem, & peccatorum detestationem postularet. omnem curam, mentem, cogitationemq̄; adhibendam esse monuit, vt ijs finibus omnia eorum dicta & facta responderent. Hac oratione habita & accepta à Cardinali benedictione conuentus dimissus est. postero die omnes diluculo habitu peregrinantibus decoro ornati Cardinali præstò fuere. statim res diuina à sacerdotibus peracta est; à reliquis de Cardinalis manu, vt præceptum erat, Eucharistia sumpta. Post Missæ sacrum Cardinalis Pontificio ornatu insignis ex pontificalis præscripto cum Peregrinis tum eorum baculis benedictionem impertitus est; ijsq̄; verbis, quæ sacerdotali continentur, vsus suum cuique baculum distribuit. is ritus quod ex solenni & sanctissima cærimonia,

preci-



precibusq; pietatis plenius constat, plurimum religionis in omnium mentibus excitauit. omnibus rebus sanctè administratis, viam quæ Augustam Taurinorum ferebat, hoc ordine ingressi sunt. Antecedebant peregrini: Ecclesiæ Cathedralis Canonici, reliquiq; sacerdotes subsequebantur; psalmosq; graduales decantabant. cum ad portam Vercellinam constitissent, Cardinalis deposito solenni habitu breuiorem vestem puniceam, quæ ad medium usq; cruris pertingebat, & vestem lineam, quam Rochetum appellant, sibi retinuit, baculumq; sumpsit. hoc habitu amictus, singulos Canonicos summa cum charitate complexus est, & pacis osculum dedit. iidem Canonici inter se complexi, inspectante populi magnâ frequentia, quæ, proficiscentes comitabatur, non sine lacrymis digressi sunt. Prima die circiter meridiem Sidrianum, quod passuum millia decem Mediolano aberat, peruenimus. apud parochum diuersati sumus. statim horæ & Litanie recitatæ sunt. inde recreati cibo, Treas contendimus. is vicus frequens & copiosus est. quod vero de nocte eo ventum est, Custos Franciscani cœnobij, quod ab ijs, quos Zocolantes appellant, colitur, cum cœnobij patribus, & loci primoribus ad mille passus obuiam ita prodijt, vt nihil potuerit fieri honoratius. cum propius vicum accessissemus, multitudo, quæ luminum magnâ vim præferret, sese effudit: magnam pietatem incolæ omnes præ se tulerunt. luminibus, quæ ad fenestras in viam versas, & ad fores protulerant, omnia collucebant. multitudo, pars procurrat in viam ad conspiciendos peregrinos, pars ad ædem, quod Cardinalis iter flexerat, proficisci maturat. matres non solum paruos liberos secum trahunt, sed lactantes illuc rapiunt, vt à Cardinali benedictionem consequantur. more institutoq; nostro, in primaria æde factis precibus, Franciscanum cœnobium, vbi instructum erat hospitium,

K

adi-



adiuimus. tum Cardinalis non accubuit, sed dum alij cenarent, ipse lectoris officio, summa cum omnium admiratione, eorumq; precipue, qui illi assiscebāt, functus est. cum ad cenæ finem huic muneri alius successisset, ipse comeso-  
pomo, vnico vini poculo contentus fuit. Postridie cum in templo primario, quod populi magnus cōcursus factus erat, Missæ sacrum fecisset, sanctamq; Eucharistiam vici primarijs administrasset, & si magnus imber coortus erat; tamen viam ingressi, Nouariam millia passuum ex eo loco quinque, iter conuertimus. inclinato iam in postmeridianum die, hora decimaquarta eò peruentum est. eius vrbs Antistes, quod podagra laborabat, obuam egredi non potuit, eius tamen iussu, qui ei à secretis erat, & Vicarius, plurimiq; Canonici occurrerūt. Decuriones itidem certos homines, qui eum inuitarent, obuam miserunt. Cardinalis urbem ingressus, more suo, ad ædem Cathedralem perrexit. ibi canoris & suauissimis vocibus concinebatur. post factam obsecrationem, etsi Antistes ciuesq; Nouarienses summo studio instarent & vrgerent, vt Cardinalis maneret, imbrisq; continuatio reuocaret, eiusq; vestimenta vuida essent; tamen retineri non potuit. via, qua transibat, maxima multitudi-  
ne benedictionem à Cardinali exoptantium, & exoptantium concelebrata est: neque vllus fuit, qui aut in publicum, aut ad fenestras non prodierit. millia passuum quinque ab ea vrbe progressi Camerianum peruenimus. ibi diuersorium Episcopi sumptu & cura præparatum fuerat. Cardinalis etsi in veste madida fluebat, tamen post adhibitam in templo preces, & recitatas Litanias, cum se cibo recreasset, & igni accenso se calfecisset, vespertinasq; preces more institutoq; suo, in æde persoluisset, eodem habitu, quo venerat, Vercellas, millia passuum ex eo loco quinque, proficisci contendit: eo consilio vt si posset eam urbem præteriret.



teriret . temporis exiguitate consistere coactus . ad mille passus extra urbem, Franciscus Bonhomius Antistes Vercellensis, & Canonici plurimi, urbisq; primarij obuam egressi, cum qua decebat reuerentia & humanitate, Cardinalem excepissent, eum prosequi cœperunt . primis fermè tenebris ad Scesiam amnem processimus. à Vercellensibus tanto certamine eò concursum est, vt vltiores fluminis ripæ multitudine hominum complerentur. traiecto amne Cardinalis circumfusus omnis generis hominum turba à comitatu seclusus, urbem petijt. sequentibus nobis magna hominum copia funalibus lumina prætulit. ad portam clerus Cardinali præsto fuit, templumq; Cathedrale adeuntem prosecutus est . interim responsoria quædam miro quodam & vario concentu à seminario clerici decantabantur. post factam obsecrationem, recitatasq; completorij statas preces, reliquæ sanctorum, quæ propalàm in altari maiori expositæ erant; argentoq; tectæ, & magnifico sumptuosoq; ornatu instructæ, seruantium pietatem indicabant, inspectæ sunt. Ibi Federicū Ferreriū Romaniani Marchionē, summū Ducis familiæ præsidem, virum grauissimum & amplissimo loco natū, & alium ex SS. Mauritij & Lazari equestri ordine, qui Ducis nomine Cardinalem cōsalutarent, eiusq; sumptu Augustam vsque Taurinorum perducerent, omnibusq; hospitalibus fungerentur officijs, nacti sumus. postero die mane Vercellis profecti sumus. Antistes, Canoniciq; nonnulli, & Antistitis familiares quidam se comites addidere. Crobam, vbi prandium apparatus fuerat, processimus. is locus in ditione Marchionis Romaniani erat, Vercellisq; millia passuum octo, Allobrogum mēsiōne aberat: (nam singula milliaria altero tanto, quàm nostra fermè sunt longiora.) quoddq; pridie eius diei facultas data non fuerat, qua, quæ meditati eramus, in medium proferrentur; ijs exerci-



rationibus, quæ circumstantes incredibili admiratione affecerunt, quotidiana lectionis loco, quæ ad eam diem nunquam defuit, vñ sumus. eo die sub Vesperum Cilianum labore confecti peruenimus: veriti enim ne nox opprimeret, maximam festinationem adhibueramus. Cardinalis adeo itinere defessus erat, vt incenatus se in lecto collocarit. eam ob causam, quæ vesperi post cenam fieri solebant, exercitationes, in posterum diem dilatae sunt. postridie exacta vñdecima hora cum dimidia, ante lucē prælatis funalibus Ciliano discessum est; recitatisq; itinerarij precibus, superioris diei sententiæ, quas inter nos commentaremur, propositæ sunt. etsi vehementer appropinquatum est: tamē hoc tibi perspectum esse velim, nos cum ijs in contemplationibus animis versaremur, omni lassitudinis sensu caruisse: non solum enim laborem pietas leuabat, sed nouas vires parabat. tredecim millia passuum progressi ad villam, quam Riomartini appellant, peruenimus. Hieronymus Rueres Taurinorum Archiepiscopus cum Canonicorum, & aliorum sacerdotū comitatu, quos Dux ad excipiendum Cardinalem præmiserat, ibi nobis obuius fuit. loco deserto & inculto prandium præbitum est: & quod fellæ Cardinali & Episcopis vix suppetebant, plerique stantes cibum cepere. pransi, vespertinas preces in æde proxima recitauimus: inde iter Augustā Taurinorum direximus. inter eum locū & Augustam Taurinorum passuum millia octo intercedebant. Archiepiscopus, qui vt Ducem de aduentu Cardinalis certiorē faceret, magna celeritate antecesserat, ad mille passus extra urbem obuiam nobis regressus est. paulo post Ducis equitatus omnibus rebus ornatus & instructus occurrit, qui in duas diuisus partes, in medium nos excepit agmen. altera pars antecedebat, altera sequebatur. quò propior vrbs erat, eò magis accessus noster hominum frequentia, qui ad conspici-

cien-



ciendum Cardinalem & Peregrinos prodibant, florebat. ad quingentos passus extra urbem Guidonem Ferrerium Cardinalem Vercellensem, qui Cardinalis nostri aduentum opperiebatur, offendimus. qui benignissimè data, accepta quæ salute pedibus, quod itineris erat reliquum, nobiscum confecit. ad ducentos quinquaginta passus progressis nobis Dux, Carolusq; Princeps filius, & alij insignes viri quam plurimi præstò fuere. Dux humanissimè Cardinalem complexus, omne genus obseruantiae & studij in eum benigna oratione, & vultus iucunditate expressit. quàm amplissimos honores tantæ virtuti habendos Dux ante cogitabat: ac propterea tum primum à dextera Cardinalem incedere, & eum primum caput tegere, comiter modestissimeq; compulit. ijs officijs à Duce diligenter sancteq; seruatis, hoc ordine iter ad urbem institutum est. qui Ducis regiam sectabatur, antecedeabant: à lateribus equitatus, sclopetarij q; equis impositi, & ij, quibus Ducis custodia credita erat, collocati, vnà proficiscebantur. Cardinalis familiares baculis cœno oblitis instructi, proximi erant, bini quæ progrediebantur: Cardinalis & Dux sequebantur: Cardinalis Vercellensis, & Carolus Princeps, deinde alij Antistites, qui ad spectandum sacrum Linteum Augustam Taurinorum conuenerant, postremum tenebant locum. Apostolicus Nuncius non affuit, quod celerius eius opinione eò peruentum erat. nos quoque cùm Mediolano profecti sumus, serius iter facturos existimauimus. cùm propius accederemus, tormentorum bellicorum sonitu incredibili, quorum nonnullis etiam magnæ glandes conijcebantur, quibusq; alijs maximè effusa lætitia significari solet, excepti sumus. Sclopetarij, quorum magnæ copiae contractæ erant, singulari arte instructi sclopetis admoto igne, sonitu ingenti eandem gratulationem præseulerunt, nosq; in medium agmen receperunt. hoc comitatu

se-



septus Cardinalis, urbem ingressus est, rectoque itinere ad  
 Cathedralem eodem tetendit. ibi, cum preces fecisset, ad re-  
 giæ sacellum, ubi sacrum Linteum situm erat, profectus est,  
 ibi itidem adhibitis precibus ad hospiciū iter conuertit.  
 id non in regia, sed in domicilio regiæ proximo, magnificē-  
 tissimè paratum erat. elegantibus iisdem stragulis lectos  
 stratos fuisse, eadem sumptuosa suppellectili, iisdem pretio-  
 sis aulæis domicilium instructum ferunt, cum Henricus Gal-  
 liæ Rex à Pollonia profectus, à Duce hospitio receptus  
 est. in eodem loco Cardinalis Vercellensis, cuius domesti-  
 co usu & iucunda consuetudine Cardinalis S. Praxedis dele-  
 ctaretur, diuersatus est. cum Dux Cardinalem ad cubiculū  
 usque profectus esset, quò facilius solus conquiesceret,  
 & se ex labore reficeret, discessit. Cardinalis pedibus ex bul-  
 lis, quas itineris longitudo & huiusmodi contentionum in-  
 suetudo cōtraxerat, laborabat, eoq; morbo præcipue in alte-  
 ro calcaneo vrebatur: què dum medendi studio diligentius  
 curant, altius inciderunt. hoc diuino consilio accidisse inter-  
 pretabatur, ut tanto in splendore, tanta in altitudine for-  
 tunæ & gloriæ, Domini nostri cruciatus animo hererent infi-  
 xi. Cardinalis etsi per aliquot dies egre se pedibus sustenta-  
 ret: nulla tamen vi morbi deterritus est, quin munia sua obi-  
 ret. quinta peregrinationis die, quæ erat sexta feria, in sacel-  
 lo ubi sacrum Linteum seruabatur, Cardinalis Missæ sacrum  
 confecit, sanctamq; Eucharistiam nonnullis pijs viris admi-  
 nistruit. eodem die Dux Cardinalis prandium obijt. in-  
 uitusq; & diu, modestissimeq; recusans tandem medius in-  
 ter duos Cardinales accubuit. interim sacrum Linteum ad  
 Cathedralem eodem delatum, in chori loco, super magna mē-  
 sa explicatum est, veloq; serico nigro tectum. post prandiū,  
 cum Cardinalis, eiusq; familiares, & pauci alij ed concessis-  
 sent, Archiepiscopus, Canoniciq; pluuiialibus ornati, id dete-  
 xerunt,



xerunt, & Cardinali, reliquis que secretò spectandum propo-  
suerunt. primo eius aspectu, me ita commotum esse charita-  
ti tuæ fateor, vt, cum Cardinalis mandasset, vt orationis ge-  
nere aliquo animos ad venerationem pietatemque conci-  
tarē, lacrymis præpeditus, id facere nequierim: studio enim  
quodam admirabili, & sanctitate rei, sic obstupueram, vt ne-  
que vox, neque oratio, neque lingua consisteret. Linteï exē-  
plar olim conspexeram, quod Dux Antonio Guzmano Hi-  
spano Marchioni, cui Infubrium gubernatio à Philippo Re-  
ge commissa est, miserat: sed tantam dissimilitudinem habe-  
bat, quantum mutam hominis imaginem, ab ipsa spirantis  
hominis forma differre cognoscimus: tantumque aberat, vt  
mihi veram speciem exemplar illud referret, vt eius ipsius  
aspectus admiratione quadam incredibili animum & men-  
tem meam obruerit. magnam vim lacrymarum profundi-  
mus; totoque animo, & singulari pietate haud exiguum tē-  
poris spacium ad precandum incubuimus. nonnulli digni  
habiti sunt, qui sanguinem, qui ex sanctissimo latere & pe-  
dibus manarat, oscularentur. id magno religionis studio exi-  
miaque pietate factum est: omnibus denique occasio præ-  
bita est, vt sacrum Linteum spectarent, sanctitateque eius frue-  
rentur. mox decreto loco repositum est, seq; omnes domū  
receperunt. subsequenti Sabbati die, in eodem sacello Car-  
dinalis Missæ sacrum confecit; prandiumque ei Carolus Prin-  
ceps instruxit. Est Carolus ætate adolescens, sed senili  
iudicio, ingenio peracri, flagranti pietate, eximia religione,  
prudencia singulari. in omni recto studio præterea versatus  
est; sed sacras historias præcipuè callet. cum prædentibus  
Machabeorum liber fortè legeretur, non solum eorum res  
gestas se memoria tenere demonstravit: sed de ijs ornatè  
& copiosè, & summa cum dignitate locutus est. præclaram  
& altam indolem tam maturæ virtutis, in illa ætate, non so-  
lum



lūm Cardinalis dilexit, sed etiam admiratus est. Reliquum temporis in deliberando, qua ratione, & quo ordine sacrum Linteum spectandum & venerandum esset, consumptum est; cōstitutumq; vt postridie, qui erat dies Dominicus, rem diuinam solenni, & pontificali ritu Cardinalis faceret; sermonem de sacri Lintei laudibus haberet; supplicatioque, quæ circumeundo, & Diuorum auxilium implorando fieri solet, decerneretur: tum denique sacrum Linteum spectandum proponeretur. sed quod tam miranda multitudo ex Subalpino agro, ad id visendum confluit, vt eos ædes Cathedralis capere non posset; magnumque periculum impendere videbatur, si Missæ sacrum ibi fieret, & sacrum Linteum ex suggesto ad id constructo ostenderetur: necessariò consilium cōmutatum est. Ante arcem multorum passuum planities in longitudinem, latitudinemque patet: is locus ad ostendendum sacrum Linteum aptus, idoneusque, consensu omnium iudicatus est: eoque & secreta via, quæ à sacello ad arcem ducit, magna cum pompa delatum: Cardinales enim, primū deinde Taurinorum, Tarantasiensiumque Archiepiscopi, præterea Episcopi Ventiensis, Ticinensis, Vercellensis, Augustensis, Sauonensis, Salutarum, insulis, & pontificalibus insignibus ornati, postremo ædis cathedralis Canonici comitabantur. Dux, Nuncius Apostolicus, Orator Venetus, alijque Principes viri, tum SS. Mauricij, Lazarique equites crucibus, & equestri habitu, qui est longa vestis serica & purpurea, insignes, & ad aspectum decori subsequebantur. referta planitie: repletisque omnibus locis, vnde locus editus, ad id exornatus conspici potest, promiscuæ virorum & mulierum multitudini innumerabili sacrum Linteum spectandum depromptum est. Cardinales, Episcopi que hoc explicatum ter demittebant, & tollebant; idque ad singulas loci partes faciebant. eo viso omnes Diuinam misericordiam imple-



implorantes fucclamabant, vbi satis spectatum ab omnibus arbitrati sunt, eodem ordine in Cathedralem ædem id retulerunt; & in suggesto ad hoc exornato, collocarunt, funeraliaq; plurima accensa statuerunt. Tum quadraginta horarum supplicatio, quæ decreta fuerat, cœpta est; dieq; & nocte continuata. Horæ diuisæ sunt, singulisq; horis diurnis, nocturnisq;, aliqua siue Sodalitas, siue Parochia, siue Disciplinatorum societas in templo ad supplicandum adesse visa est. non solum societates urbanae, omniumq; hominum ordines, qui multi & frequentes numerabant, scitè, piè & eleganter id munus executi sunt, suauitateq; & varietate cantus ingentem religionem demonstrarunt: sed ex proximis oppidis, tantus concursus ad supplicationem factus est, vt multitudine virorum & mulierum, tam nocte, quam die ædes referta fuerit. Ordini equestri SS. Mauritij & Lazari negotiū datum est, vt ad singulas horas, binos equites mitteret, q; & continenter orarent, & sacrū Linteū custodirent. Constitutū præterea est, vt singulis horis, de summa sacri Linteï dignitate sermones haberent. Et qd̄ allatū erat hæreticorum ingētem numerū, ex Perusiæ & Lucerniæ vallibus aduētare, qui Cardinalis famæ celebritate adducti, illum videre cupiebāt, vnius diei spaciū supplicationi Dux proferri iussit; captariq; occasionē, qua, qui sermones habebant, præcipuè in hæreticorum errorem & fraudem inueherentur. Cū Cardinalis S. Praxedis, qui ter locutus est, ac alij Episcopi, cæteri q; concionatores, ad comprimendas libidines, accendendosq; ad pietatem animos, & ad restringendas hereses, aptè, ornatè, & copiosè dixerunt; tum Cardinalis Vercellensis, ampla & diuina quadam sententiarum grauitate, & maiestate orationis, ad rerum cœlestium studium, audientium animos non trahere, sed rapere visus est. Antistes autem Vercellensis, cū Catholicorum causam defenderet,

L

hære-



hereticorum errores & fallacias vnicè exagitauit, & turbulentissimi huius temporis caliginem mirificè discussit. flagranti studio, & magno pietatis ardore in precibus perseveratum est. Dux & Princeps iniunctas precandi horas, sanctè, pieq; obierunt: animaduersumq; est nunquam sacrum Linteum spectandum propositum fuisse, quod bis inter preces fecerunt, quin Dux præ magnitudine quadam pietatis, semper illachrymatus sit; præclarumque exemplum antiquæ Principum fidei, & Catholicæ pietatis renouarit. Cùm supplicationis finis instaret, Taurinorum Archiepiscopus doctrina, consilio, & eloquentia excellens, adedè copiosè, eruditè, pieq; concionatus est, vt singularem & diuinam eius vim omnes admirarentur. Antequam sacrum Linteum ad sacellum reportaretur, grauissimus sermo, & ad pietatis exercitationem aptus, accommodatusque à Sanctæ Praxedis Cardinali habitus est. Dum hæc in Cathedrali æde geruntur, Sanctæ Praxedis Cardinalis ad Collegium nostrum, vbi corpora sanctorum martyrum, & eius vrbis ciuium Solutoris, Aduentoris, & Octauij sita sunt, se contulit. ibi Missæ sacrum fecit, & quibusdam pijs viris sacram Eucharistiam, ab eo percipere cupientibus, morem gessit. postridie, qui erat quartæ feriæ dies, sacrum Missæ in sacello, vbi sacrum Linteum reconditum erat, confecit. Ibi Princeps, cum alijs viris clarissimis quamplurimis, sacram Eucharistiam sumpsit, & Cardinalis prandium inijt. sub vesperum rursus sacrum Linteum secretò prolatum est; & quo ordine, primo aduentu inspectum fuerat, eodem Cardinalis, & eius familiares postremò spectarunt. Dux itidem & Princeps aderant: nec minor pietas quàm ante, in omnibus, præcipueq; in Cardinale Sanctæ Praxedis enituit; qui ad pedes sacræ imaginis summo cum studio, humilitateq; proiectus, non prius surrexit, quàm  
in



in vsitata fede collocata est. Die proximo, Dux Cardinalis prandium celebrauit: ad duas horas post prandium, vnà fuerit. Cardinalis de rebus diuinis, de animarum salute, deq; optima gubernandi ratione cum Duce egit. eius oratio à Duce attentè, secundisq; auribus audita est. Cardinalis comiter, liberaliterq; habitus, & honorificentissimis officijs cultus fuerat: Sed cum discessurus esset, quanto in honore fuerit, & quàm magni eius pietas estimaretur, illud vnum, quo omnes obstupefacti sunt, indicium fecit, Nam Dux humi prostratus, vnà cum Principe, & Amadeo, manantibus lachrymis, infimis precibus benedictionē sibi, ac liberis poposcit. attollenti eos Cardinali, nec iacere patienti, Dux respondit, non prius erecturos se se, quàm benedictionem impertitus esset. Ducis, quemlibet clarorum, piorumq; regum cum magnitudine animi, tum mansuetudine, & religione equantis rogationi, Cardinalis cessit, studioq; obsecutus est. hoc facto, Dux ad Principem filium conuersus, lingua Gallica primùm, deinde Itala, vt Cardinalis intelligeret, Cardinalem, inquit, fili tibi patrem asciscas, eiq; patrium honorem tribuas; atque vti parenti obtemperes; eumque roges, vt te filij loco habere non grauetur. ille, vt erat obsequentissimus, ad Cardinalem conuersus, parentis mandata diligenter, obedienterq; persecutus est. Horum Principum omnia summi amoris, obsequij, obseruantia in Cardinalem officia constiterunt: tantaq; pietatis præstantia, tantus animi splendor in Cardinale perspectus est, vt tota Ciuitas ad eum intnendum conuerteretur, summaq; in eum studia à populo significarentur. Antequàm discederet, eum Dux rursus inuisit; proficiscentem in vehiculum sustulit, & ongus extra urbem profecutus est. Cardinalis, reliquis Mediolanum remissis, sex ex familia secum retinuit: ijs adhibitis, cum Cardinali Vercellen si Lauennam, (qui locus, in



dinalis Vercellensis potestate est,) se contulit. postridie ad  
 Diui Michaelis cœnobium, cui Cluse nomen inditum est,  
 peruenimus. id in monte excelsio, edita, & prærupta rupe,  
 summa arte, & mirificis operibus extructū est; præclarumq;  
 antiquæ Principū Sabaudorū religionis monumentū exi-  
 stit. maximis opibus floret: sub eiusq; administrationē & di-  
 tionē, plurima oppida antiqui illi Principes subiunxerunt.  
 fidei ac patrocinio Cardinalis Vercellēsis cōmendatum est.  
 plurimis preciosis reliquijs sanctorū ornatum ac refertū est.  
 ibi totum diem consumpsimus, remq; diuinam magna cum  
 religione fecimus. subsequenti sabbati die, lauenna profe-  
 cti sumus, & altero die Varale peruenimus. Varale mons est:  
 à propinquo vico, & ad radices montis posito, nomen tra-  
 xit. ibi Domini nostri vitæ, ac crucis mysteria, singulari ope-  
 re, artificioq; perfecta sunt: sed nascentis CHRISTI præcipuè,  
 horti, ac sepulchri signa, eximia sunt venustate. formam &  
 figuram eorum, quæ Hierosolymis adhuc cernuntur, expri-  
 munt. Centum ab hinc annis, Bernardinus Caimus, ordinis  
 obseruantium D. Francisci, vir singulari sanctitate præditus,  
 summa religione adductus, edito hoc loco, ad similitudinem  
 eorum, quæ Hierosolymis viderat, hæc curauit formanda.  
 ijs mysterijs nihil nobilius, nihil quod magis visendum pu-  
 tetur. eò, cum hora vigesima prima peruentum esset, à vico  
 pedibus in summum euasimus montem, mysteriaq; inuisi-  
 mus: ex familiaribus aliquis sententias, quas ad singula my-  
 steria meditaremur, pronuntiabat: plus, minusue, pro myste-  
 rij ratione, in ijs meditationibus versabamur. altera noctis  
 hora, cibi copia facta est: ad id enim tempus, ita ieiuni fue-  
 ramus, vt nihil prorsus gustassemus. in eo ieiunio nos qui-  
 dem panem, & vinum, Cardinalis, panem tantum, & aquam  
 adhibuit. refectis cibo viribus, ad mysteriorum contempla-  
 tionem reditum est. Cardinalis, vno tantum socio secum re-  
 tento



# PEREGRINATIO.

85

tento, vsque ad nonam horam ibi pernoctauit. tum verò  
cùm socius vim frigoris non sustineret, accenso igne, se cal-  
fecerunt, & in sellis vsque ad vndecimam horam sopiti ia-  
cuerunt. tum autem experrecti, ad preces redierunt. de ob-  
secrandi studio nihil remissum est, nisi cum tempus præpa-  
randi se ad Missæ sacrum affuit. in ijs exercitationibus, post  
prandium nonnullæ horæ traductæ sunt. Atq; vt quàm ma-  
gno adiumento Deus huic eius seruo sit, planè intelligas,  
& si tota hac peregrinatione, è lecto decima hora surgeret,  
seriusq; se quieti traderet; iterq; vel equo, vel pedibus pri-  
ma luce ingressus, vsque ad vigesimam tertiam ho-  
ram interdum ire contenderet; interimq;  
cibo, & omni quietis genere ab-  
stineret: tamen præcipuis  
corporis viribus sem-  
per vigit.

Tum Deum implora, vt sanctum Spiritum in eo foueat,  
& conseruet; facultatemq; diuinam volunta-  
tem cognoscendi, eiq; obtemperandi lar-  
giatur: tum ipse tuo instituto, in  
precibus, quas ad Deum  
facis, mei fac, vt  
memineris.

## L A V S D E O.





## Registrum.

† Imago Sindonis A B C D E F G H I K L

*Omnes sunt duerniones.*



*Errata sic prius emendes.*

Diphthongos, & commata, adde, vel deme suis locis.

- |         |            |                   |                          |
|---------|------------|-------------------|--------------------------|
| Pag. 3  | linea 5    | concurrerunt      | lege concurrerint.       |
| Pag. 8  | linea 3    | Ecclesiastes      | lege Ecclesiastæ.        |
| Pag. 13 | in margine | Antonius          | lege Antoninus.          |
| Pag. 14 | linea 6    | necest            | lege nec omnino est.     |
| Pag. 16 | lin. pen.  | Christianissimis  | lege Christianissimos.   |
| Pag. 23 | linea 15   | Camberij          | lege Camberium.          |
|         | linea pen. | Sindonem          | lege Sindonis.           |
| Pag. 28 | linea 19   | subfannanere      | lege subfannauere.       |
| Pag. 29 | linea 2    | nihil             | lege nil.                |
|         | linea 6    | Erithreis         | lege Erythræis.          |
| Pag. 31 | linea 6    | Idqne             | lege Idq.                |
| Pag. 43 | linea 8    | γῆρας             | lege γῆρας.              |
| Pag. 47 | in marg.   | Ien.              | lege Genesis.            |
|         | linea 15   | Estibus           | lege Vestibus.           |
|         | linea 19   | eum               | lege eò.                 |
| Pag. 48 | linea 5    | siue              | lege sine                |
| Pag. 49 | linea 12   | languores         | lege langores.           |
|         | linea 14   | consiliatus       | lege conciliatus.        |
| Pag. 52 | linea 20   | noua arte         | lege arte noua.          |
| Pag. 60 | linea 30   | scindetur         | lege cingitur.           |
| Pag. 62 | linea 25   | dilinirent        | lege delinirent.         |
| Pag. 65 | linea 23   | ommittendum       | lege omittendum.         |
| Pag. 68 | linea 17   | comparuit         | lege comparauit.         |
| Pag. 69 | linea 12   | dele vnum, vt,    |                          |
| Pag. 75 | linea 14   | Seminario clerici | lege Seminarij clericis. |
|         | linea 24   | fungerenrur       | lege fungerentur.        |
| Pag. 80 | linea 21   | Infulis           | lege Infulis.            |





VITAM AGITANT VENTI, MILES QVASI, NAVTAQ. VIVO,  
APPARET SIQVIDEM RERVVM NON TERMINVS VNVS .  
NIL TAMEN EXTIMEO, NAM COELVM EST VNDIQ. SVRSVM.




2.3.238




2-3-23P


























005646126



